



介存齋詩卷之五

并下卷俱辛卯以後

荆溪周濟止庵著

四月八日辛夷葉頂作一花命定生爲圖賦詩紀事

畫舫北頭有隙地我友勸我栽辛夷公然得活便快意  
況乃高與山要齊殷勤灌溉及三載童子初佩芄蘭觴  
過江一月罨塵網未覺谷日愆花期歸看鬢鬢綠滿眼  
豈汝蚤發我來遲山顛落日獨怊悵忽見一朶凌高枝  
江妃綽約掄翠袞玳瑁奉進瓊瑤卮外丹內粉襯縹碧  
復有返照相光輝此花自古不見葉或云反物宜斧斯  
主人幸自解花語破格留待酬吾知急呼脂粉爲寫照  
不駭祇怪憐新奇宋生點筆據危石感花意好忘人疲  
投珠按劍世多有識爾乃不循常資烏乎遇主爾實生  
介存齋詩 卷五 一

逢時

題王生元華松壑聽泉圖

朝霞燒西莫燒東日日紅日燒霞紅小山密樹亂蟬噪  
如毆甲士施火攻老夫功課不得歇汗漉細字箋魚蟲  
響泉忽落聲玲瓏琴筑還奏華胥封况兼雷雨太陰入  
拏雲松鬣鳴僊風王郎來自何山中彷彿貽我登山筇  
龍盤百里虎出柙此邦森秀兼沈雄寓公五載猶近市  
山鬼大笑陰崖空青谿淤填流不通溼病淅淅爇燼燼  
西山卜宅始有意苦乏泉石禱塘沖從來邱叔天所闕  
我豈有福如陶公封還十賚謝客氣樸僊且得爲山農  
萬竿繞宅不受暑冷淘白恰君其從

昨爲王生題圖甚苦酷暑因譏火攻今午轉甚勢已  
不支俄而颺暴總至炎敲肅然物極必反理之常  
者猥以歌詠小技激揚其閒比于候蟲敢知大造  
酷吏出下策煎糲方未已誰家黑雲都忽擁阜靡起其  
來從坤方慈覆萬物母奇由風后握謀笑陰符鄙耳黃  
雉膏鼎躡白涂負豕天心本張弓世運際傾否乾坤方  
震蕩安得翫書史從來廓清代高閣束文士蝸蟾聲沸  
羹僵縮抱葉死而況蠅螞徒豈有生活理虛堂旣肅穆  
枕簟亦安矣武德在止戈浮雲去如洗天宇仍沈溲草  
竹各綺靡修文循大化賦頌述其美

立秋前三日驟雨晚晴登樓有作

介存齋詩

卷五

二

金戈鐵馬送新秋霽景馮闌動遠愁萬里蘅蕪留不住  
夕陽貪上最高樓

樓角殘虹太有神作晴弄雨美人身若將比似澄霄月  
多恐高唐賦未真

斫木鳥

黃衫赤禪黑雨當猛如壯士赴敵場蝨深樹大窟穴巧  
書符禹步勞徬徨千聲萬聲皆流血啄不出蠹終不歇  
若云一飽亦易求滿眼蜻蜒與胡蝶君不見屈軼指佞  
生帝庭又不見觸襄解廌軒轅迎瑞獻神遺各有主勞  
爾空山竟何補

納涼與陳生楷偶述

病婦癯臥牀，屑屑問朱鹽。老夫眼昏眵，業業繕書籤。易  
觀意豈悟，獨到情各厭。一室尙爲爾，何況飛與潛。  
井鮒射微霽，鷓鴣風便北。林自天界鱗，羽各各窮高。深萬  
變偶一合，曠代猶昨今。如何沈冥士，當世啼知音。淵淵  
漁陽鼓，颯颯嵇生琴。大福方默移，微名安所任。

劔緜絲已勞，繡涩不出室。客來偶摩挲，失口相歎惜。長  
跪謝客言，此劔本頑鐵。豐城雖深薶，寶氣必騰達。安有  
眞龍泉，二紀仍挂壁。

蘇門在人間，其庶尋孫登。鸞音不可卽，雲想空凌嶒。峩  
峩齒高屐，裏裏扶脩藤。芊芊竹環宅，晝晝華盈脰。西山  
多華農，厥產吾其恆。

介存齋詩

卷五

尊彝古生鏿，文勝質已鑄。薶壁珎滿身，五德豈復全。嗜  
古匪適用，所寶在炳穿。遂令噉名者，老死故紙閒。束髮  
悟其非，垂老豈戒焉。精神儻別寄，稍久輒欲遷。賴茲雋  
永味，庶以消長年。

洗研去宿墨，新墨發奇光。埽地去落葉，新葉生幽香。奈  
何錄陳言，寶之若球琅。團團磨驢蹟，步步龔故常。周旋  
方丈間，送此歲月長。鸞鳩猶決起，矧彼鵬與翔。

自責五十二韻

奕葉載隱德，小子免囂愚。毀齒受庭訓，期以君子儒。如  
何畏經史，甘樂在怪迂。勦說盜諉聞，役役趣迷涂。戊午  
年十七，幡然始迴車。韶光已虛擲，浮名便難除。荏染及

辛酉風木悲空紆其時雖弱寇僅可幼學如鎔範失先  
型譬瞽無相與識淺志未定氣浮才轉羸兵農遂襍進  
兼慕天官書修防及轉漕督論河渠目驗百無一而  
況身歷諸空言每易騁實用安所儲癸甲筮同人乃覺  
術業疏不幸謬通籍遂有賓客譽日驅不教民冒刃張  
券呼中閒犯大患爲師而授徒注疏未終帙三史多模  
餽三國及六朝漁獵如棲直抗顏豈不慚箴毘著座隅  
終以誤人故失己亦不殊儻忽踰十年方剛爲我虞粵  
俠隆氣矜數數危其軀高堂慈且儉饑鬻寡所須奈何  
漫結客若取尊中衢諒復以義斷錢亦爲汚奈何不  
自覺汨沒隨蠅蛆去年四十九前年生白鬚攬鏡照衰

介存齋詩

卷五

四

顏始欲收桑榆譬如百戰將創痍滿肌膚又如不耕田  
宅草難誅鉏齋心在一捨斷擊蝮螫蘇翻從老大後學  
法孩提初讀經先識字讀史先披圖拾級乃漸進扞格  
姑徐徐所嗟精力衰過午輒告痛勢令輟所業筋力稍  
發舒檐楹隨徙倚丹青或揮濡不然明晨起要背痛若  
拘是以窮日夕僅得半日餘每于息游頃弔影傷羈孤  
安有陳德義而與婢妾居系懷在老友星散風雲徂進  
我苦口藥昔有李與吳仲倫戒聰明云使息憚無申者  
戒游戲云是真之符情才一何妄其愚若猴狙不能蚤  
書紳疾甚思扁盧作此自責詩心灼喉嗟吁嗟吁亦奚  
爲在願急求扶一息苟幸存矢志期勿渝

白題相馬圖

橫門浴鐵馳飛騎印出天閑必騏驥冰山雪海眼底空  
枕弓炊劍同兒戲此馬青絲未絡頭年年款段人閒游  
口邊苜蓿齧欲盡華香滿蹠胡蝶趁展足應難百里堪  
回頭那得孫陽問主人愛爾意有餘天全何必供馳驅  
手提鞚勒欲一試小知無奈勞奚奴霧鬣風鬣非少日  
少日神姿總虛憶柳隄緩緩送斜陽水淺沙平是鄉國  
服箱已嗟牛不如蹋雪別有襄陽驢惟應散木能相芘  
觸鼻狂醒老大樗

紫芝 木憂也

英英紫芝蒸彼商山可以卻老療飢則難皤皤四顯盤  
介存齋詩 卷五 五

桓芝所以避秦隆漢則否婉婉子房雄翕雌舉因事  
推移帝劉王呂惟呂之王劉乃弗墜狼顧其子輟噬而  
餒亦在唐武集命盧陵胡翼之方折而神龍用興是以  
謨訓母子相貴呂之方張文也守代

武皇 戒荒也

武皇洸洸悔田車師呼韓稽顙元成賴之外甯內憂疊  
在弗思降奴服于爲莽積威罕开近矣武賢門之翼翼  
營平留屯守之馬隆扁箱神威于涼實維保境而功同  
啟疆封略闕奄與時消息盛漢之隆厥土未闢農戒越  
畔以服其耕非種必鉏嘉禾穎生元康平吳徙戎若埽  
曾是弗圖劉石用擾濁土生張虬虯斯蚩不歐而吐靡

食匪疾否也八王疊踣更起西雍東冀晉之孫子

狡夷 閔俗也

迢迢五嶺南邦是屏雅片越之如砥斯平滔滔江河殊  
食別聲洋錢杭之如羽斯輕其來絲絲香山之嶼歷湖  
及江析津繼告如藥入胃靡藏弗到歐泄冥眩靈素罔  
效執拘歸周重典昔施靈壽弗赦今律嶷嶷豈中土圖  
灑而面彼狡夷彼趨斯屠我饜而病靡人弗知靡出于  
研

紫囊 戒武臣也

匪要匪褫揜互而帶赤擘離莖衷和絳縹複烏組纘鱗  
鱗田田銳厥後帖雙鉤殺前側帽子顛辮髮是纓垂垂  
介存齋詩 卷五 六

紫囊刀白刃青相價相茂厥遂匪獸搏人于涂匪竊匪  
寇曷饋曷饒素雪熬波不醉而酗如既醉何  
盲風 閔孤役也

盲風振林靡有遺葶蟲坏其戶巢有栖鵲彼鵲之巢集  
始用勞糾糾葛屨士也逍遙逍遙在野蜩縮牛馬鞭嘯  
鞅掉四無應者霰雪鋪鋪劓面鑄膚匪役之急胡舍室  
家  
靈禽 傷遷也

靈禽選枝上下睇止疏密既時陰陽位止晨營夕瘁齧  
庶類止向背孤虛翳翳其暉豈憚童孺鷹鷂卒違將卯  
將孚將風而飛鬱鬱佳蔭亦云樹矣膏流被葉承湛露

矣抽條揚華香分布矣激活頌洞集彼湍流揚泥掘堞  
孰知其由末厥而實其誰予閔鳥之擇之樹之託之如  
鼓應攄胡睨而雪究圖逃矣曾是安宅沈沈積陰淒淒  
緒風濡我鶯領變我好音期之辰天則靡所任相彼山  
梁阿邱宛延飲之啄之胡恍而遷其勞几几弋曰篡焉  
飛卒病矣巢靡定矣出目睨晚八表競矣宛彼游絲則  
不我知依首節樂鼓變句曷曷長阻而謂故

不我知依首節樂鼓變句曷曷長阻而謂故

蟪蛄憂不肅也句亦謂蟪蛄草微好美謂其

蟪蛄者蟲入我北戶豈伊沍寒不蟄而吻雪之既來疾  
疾庶幾雪之未來涂凍卒踰芘芘來憇南穀之佐奄觀  
北原斯食斯貨南土諫意曰

介存齋詩

卷五

七

帝命方伯澤我南土精意曰禋神篤斯祐

陸公言祈雪立應中

宵雞鳴亦聞雨聲瀟瀟膠膠慰我農勞匪農獨勞士也  
歌謠曾是吳越宅彼南交中庭有梅渥丹其萼妖華先  
時曾是弗覺蒙茸石衣匪落伊草貽我芳菲匪莫伊蚤  
青旂于郊蒼龍粟姚凌陰曷藏易煦而驕弗肅弗殺弗  
閉曷達元冥曷司曷其訊之謂八交

卜居悔不歸也

之桂之方華奪我內

藹藹首春失我良友

宋君瑞已以正月十七辭世

紀如何不淑嗟及予季命舟楫舍弗及視光光先人

世載其滔遭天厭元釋乘而軍元從信國止殺以仁壹  
戎大定宅谿之濱宛宛五雲纓第南山山麓布分鬱我

松阡斯構室盧環以甫田庶長子孫厥世以延既延既  
安逾四百年曾曾小子不德而德緣飾瑠纒以佞侮賢  
積傲長肆炎如燎原禍積無形惟福之兄贖贖小子曰  
余有慶篡獵典冊以飾文彰雕鏤義尊何木不傷君子  
識賈厥誠在雅奈何悖入貪三廉五貌莊心門狙伏伺  
鼠幡然夕糾積恥勝數禍之既延則不可虞戒之祝之  
惟本實是圖陽蔡之虛盍小而居匪究安宅庶謝危除  
樹木十年況十其世蜿蜒深根落繡而屬言誅之弗言  
索之綯伯仲陶陶以衍以敷伯兮者兮載華其顛幼子  
童孫角角奔奔或秉而賴或牧或薪或竿以綸佐我饗  
頌歲云晏矣務休燕矣橫經握觚秩秩其趨式敦其愚  
介存齋詩

卷五

八

既樸既迂克農克儒繫先民是偷

皚皚之白望澤也

皚皚之白集我庭柯餞彼臘矣既時既多維我庭柯烏  
鴛萃止雪之皚皚烏日逝矣皚皚洋洋八垓混茫何肉  
之能擇而彼翱翔握粟以飢婦孺知仁孰如陽春言煦  
之溫

有虎而刺奉法縱暴也

有虎而刺奉法縱暴也貪三廉五貌莊心門狙伏伺  
靈其鹿逸奔而顧容頭塊堞厥尻是露是謂狡兔毛之  
血之呀之吸之既飽而嬉騰之籍之震之業之予之爪  
牙上帝何神蚩蚩山民敢不畏不仁是長是君大君子

原戒旅桓桓閱網彌山曰取于殘餘威弗殫弱足跋跋  
旣折而殞火烈其燼墟彼伏莽匪伏伊狼鶴鳴弗聞孰  
謂聽卑如何躍淵將進將疑我師孔哀祁寒曰咨春和  
弗遲匪覆以私帝省在茲孔哀我師

汎彼南浦 懷故舊也

汎彼南浦厥舫梁五三倉架架底合蓮跗欄幹輕舉宜  
此柔櫓有妥有楸束梢五檠三接亞亞瑯弓之弣豐末  
殺羽入偃出頰如翬飄瞥如馬蹀躞如鱗屈尾尾撥而  
呷容容雪霽款乃韉韜夙約言踐遵渚何遠松檀桂樂  
彼姝所安水步有衍柴落斯翦雲容日華野服而都采  
園得蔬絮匏出沽笑言有譽君子之需

介存齋詩

卷五

九

棱棱江山 戒比也

棱棱江山積雪柔之浩浩長路君子道之相鼠夜動惡  
彼炳燭狂狸哈呀狷伺奮搏羈之繩之奔隄千里監彼  
弋人縈繳于矢勃弩發機鐵洞山摧自非精鏐三發而  
危胡越同舟共命不疑及于康莊南轅北馳謄此凌霄  
藁彼喬松因不失親聖曰可宗

東園採梅東葵如

春陰一夜消殘雪東園梅蕊珊瑚赤獨客巡廊望轉愁  
眼前重見新雕飾此地

先皇駐翠華十年樓閣闕朱霞錯彩鑲金豈虛擲如聞  
銀漢動僊查仙楂日夜隨流去賸遣花枝隔煙霧可惜

瑠鞍玉勒人可憐  
燕舞鶯歌處  
燕舞鶯歌不肯闌  
頰湖蔬圃是名園  
怪石能踰阨  
垣出黃頭巧鑄銅  
山完年年華發春如海  
老去華身瘦  
長在看華心  
苦定華知不然  
爭遣凝紅淚  
凝淚相看欲說難  
直從華發見華殘  
麩氈一鶴南飛後  
遂滿江樓喚不還

聽橋觀察席上若谷刺史說塞下耕屯賦此以贈

田君楚游遲未發  
忽思騎馬踰高關  
丈夫之居豈鬱鬱  
不能圖南便應北  
芊芊塞艸夏始春  
地力半嶽長比人  
極望膏沃如醴醕  
馳駕慘惻當鋤耜  
麻竿油足饋貧紅  
鹽味厚白勝玳橐駝  
負之販千里  
秦人勞筋健逾起  
控弦招邀獵麀鹿  
餓鳴啾風熟生耳  
割淖涂酥脆迎齒  
介存齋詩

卷五

十

地琴一絃音萬徙  
雪拂穹廬散春蕊  
臙支弄嬌醉顏美  
眾賓洋洋使心喜  
妻子俄然輕脫屣  
雨聲潺潺華鳥怨  
十五春光去如箭  
君髯秋霜日巖電  
蜀客相留且終讌  
不同人說塞下事  
因懷情田

送子沱江去  
春風又落梅  
吟窗閒了鳥  
行蹟長莓苔  
性與憂危習  
時難浩蕩回  
何當騎父馬  
同上李陵臺

一 襍感

淥水朱闌四面華  
欲醒卯酒試新茶  
數聲哀怨山陽笛  
獨鶴重尋處士家  
華心苦  
華眼不  
雨雨風風作隋寒  
疏華冷蕊耐人看  
尋常閣部祠邊路

一種沈吟欲去難

艇子輕浮擬石城詩人老去散鶯鶯當年錯把樊川恨  
也得笙歌寫太平

蝨簡誰熏薤葉香十年薺莠上高牆丹鉛粉落織兒手  
虛遣長生伴法王

絲管紛紛日易斜墜茨丹艷漫相誇空桐一幅歸誰橐  
贖與行人看落華

倚醉扶輿作冶游芙蓉凝露眼波秋穆櫺萬木當春病  
豈合還登尺五樓

微茫山色隔江青雙堦全將倚葢擎取次探丸來負郭  
攜柑何處百鸚聽

介存齋詩

卷五

十一

寒勒春紅未遣歸小窗初見蝶輕飛隔年江路愁仍織  
別館絲聲願恐違風雨暫驚高士臥粉香終上玉人機  
廣平賦手休閒卻聞道東皇惜落暉

舟中同葵如紹開

春色幾千里綠楊無舊條市聲喧暫隔仙侶豔相招日  
澹初開霧風知暗上潮客心隨近遠渺渺寄蘭橈

樸山鍊師之化六朝梅先枯重遊隱僊慨然有作  
老梅如瘦鶴羽化立不腐仙師騎之去去作喬松侶雲

房蝨羅罍丹竈落衣厚碁殘金井劫琴斷悲絲譜返魂  
時未至旁植庶云補媠骨發稚條焉能作門戶勞生諒  
有涯感化代先後入山志久決失伴豈中沮浩浩淩滄

州依依向農圃涉物浮雲翔攬心繫匏苦蕞蕞蒼蠅聲  
樊棘盈下土

隱仙庵海棠

珠劍星冠侍王清絳綃衣動海霞  
明人閒紅雨迷春睡  
香有香無誤幾生

三月十二日自春水園登舟晚泊上河作同人半山

寺小集詩一首半山寺在故明宮城厚載門外大

城朝陽門北太平門東鍾山之麓青溪穿城入下

有銅溝印出爲跑突城外則前湖也相傳爲荆公

半山園故址有二柏猶公手植云溪自北來環寺

四面寺東小屋兩三楹繚以短垣水穿垣活活鳴

介存齋詩

卷五

三

砌側垣外小山叢石苔蘚蒼潤城中多山少泉以

此爲勝寺本馬王廟勒公耐溪始築斯室今奎固

山益之光其哲嗣也風雅好客甚十日余訪程祭

酒春海

思澤

說如此十一日遂招同人于此言別

至者春海鄴樓均之後來者益之期而有故未來

者伯言慎之叔安也積雨初霽夕陽宵月采色佳

妙坐賞淹久更定後同過益之晚翠園園在後門

內南西行不半里老樹森然堂下多枇杷琴書華

藥堆案羅階啜茗而散相期各賦一詩歸索筆研

則已在舟中矣 半山故宅在白浦北倚東冶城

今朝天宮是也北宋建康治石頭自石頭抵鍾山

十四里故至東冶適得其半今寺在鍾山之麓決  
非捨宅所爲公里居間將復召遂捨宅旣而不果  
十 召意捨宅後別構此園因襲舊傳與公決泄元武  
湖 湖水使民佃之湖遂涸廢而白浦多水患雖經鑿  
治 宣諸秦淮然黃梅細雨輒喚奈何蓋前後兩湖  
潄 蓄山水地勢使然不可以人力改後湖卽元武  
湖 湖今水由覆舟雞籠兩山閒穿城入亦用銅溝作  
跑突

同人半山寺小集

舒王旣捨宅卻就鍾山麓言尋青谿原選勝始一曲珍  
石 峙其左文質參紫綠鏘然環階除寂韻奏琴筑爾來  
介 存齋詩

卷五

十三

七百載萬事皆反覆牛山郊則童豈暇問松竹惟餘手  
植 柏蘊醲類有蓄一本何軒渠挺立意態足一本乃側  
媚 狙伺肘腋伏當公秉鈞日頤指誰敢觸僉夫玩諸掌  
兆 姓誅以腹歸來有餘悔遺象寫喬木耐溪飾廢阨結  
構 谿上屋益之能嗣音望客每蒿日翩然集勝侶坐月  
屏 樺檣是時積雨霽水月彌衍瀆翻憐白浦居愁見黃  
梅 熟餘波泄元武無乃徒自酹脫羈意已遠千里舉鴻  
鵠 相期賞華秋盍種城頭鞠

十三日東北風陰晨發上河午後小雨晚轉西風泊

西岸太陽河三更後有月上河卽白板橋亦名板  
橋 浦自石頭西南行十里查浦十里新亭三里

新林新亭西北爲蔡州新林西北爲白鷺州二州  
相首尾也十二里板橋浦十七里下三山三里江  
甯鎮十里栗州州上有山形如栗名曰栗山州因  
以名四十里慈姥山山產簫管一名鼓吹山下有  
慈姥谿與太平府當塗縣接壤蓋慈湖之餘流也  
今名和尚港橫山在其南周八十里兩屬江甯太  
平楚子重伐吳取鳩茲至衡山是也五里馬鞍山  
屬當塗十里采石三十里泊 太陽河原出瀝湖  
在和州南二十里入江牛屯河原出巢湖在和州  
南四十里入江與牛渚相對則太陽河應在牛屯  
河東北二十里今所泊處距西梁山僅十里在牛

介存齋詩

卷五

古

屯河口西南已三十里其非太陽河明甚銅城堰  
爲牛屯河上原其南支爲三叉河在牛屯西南裕  
谿東北然則今泊處正是三叉河俗呼譌爾

十四日晨發太陽河西風大霧望東西梁山若浮水  
中日高霧散十里西梁山二十五里七磯七里驛  
磯山二里赭山五里蕪湖縣泊 東梁山亦曰博  
望博望東有夾江下采石曰大信河亦曰南浦牛  
渚在采石下游里許自牛屯河徑度者取牛渚自  
上流袞度者多人南浦趣采石博望稍南有褐山  
卽入蕪湖界矣七磯今名四合山 江甯之險上

據采石下據燕子磯石頭城今南浦成坦涂上流

之險已失蔡洲西消東長直傍東岸洲尾遮燕子  
磯外五里石頭更在平陸下流之險又失登臨覽  
觀求古兵家決勝遺蹟皆茫然無可把捉矣

歷陽舟中寄集園兼呈春海鄴樓

楊林渡口煙波闊博望山頭黛色新平世關津空設險  
扁舟風雨欲傷春披圖讀史消殘酒翦燭題詩與故人  
屈指牡丹時節近中年絲竹若爲親

十五日南風晴已刻發蕪湖十五里魯港泊魯港魯

明江之下流也其原卽甯國府境內之青弋江別  
承丹陽湖分泄之水西北入江港東北八里有蠓  
磯又東北二里有戰鳥山一名孤圻皆孤立江中

介存齋詩

卷五

五

舊志云蠓磯高十丈周九畝有奇往來者皆經其  
下磯南有石穴廣一丈深不可測老蛟窟也今二  
山並淪江中無所見矣西岸有廟祀蜀先主孫夫  
人俗亦呼蠓磯廟意江勢東徙磯遂連西岸耳

自藕山至魯港五十五里河口巡司戍之與餘昌  
縣交界而紀要蕪湖縣大江上接餘昌下接當塗  
僅四十里道里不符意中流徑直溯岸迂回之故

魯港夜泊

春老鳩茲路停舟問魯明神蠓潛有窟戰鳥去無聲事  
往潮痕改愁多月魄生茲宵懷浩蕩幾處故人情

十六日東南風晴五鼓發魯港十里螭嶼磯二十里  
入三山磯入三山夾三十里又入舊縣夾十里凡四  
十里至舊縣西南風緊泊三山夾外爲虎檻州  
長可三十里直今繇昌縣北通江三山自西南而  
東北磯應在北支今北支外圩田數里惟夾內有  
小磯三時多伏水中冬涸乃見舟人呼爲牛婆磯  
蓋虎檻州尾北指三山因而挂淤也三山東南有  
山繇豆可六七十里形勢類九華而小蓋甯國府  
南陵縣之工山舊縣本名赭圻桓溫始築後爲  
南陵戍六朝江州之極邊也梁武帝因舊戍置南  
陵縣治此西值無爲州之柵口南北皆小山盤紆

介存齋詩

卷五

十六

意大小陽山之支也北名磕山一名孤山一名屨  
居山又北有黃石磯今皆成夾內平陸又北有老  
山一名姥山三峯入江今淪江中言登磕山紫  
藤四布高下隨宜野豔可賞笑詠方洽北風揚沙  
殷濤鳴雷壘浪噴雪千舟簸蕩萬夫踞號夏王已  
溺其誰手援溫國先憂使我心惻蒿目移時紉纒

甫定作歌一首

繇昌舊縣藤華歌

遠風樓前紫鳳舞歲歲開尊樹綠醅今年鳳羽方襪襪  
主人別華華淚垂培根剪蔓出一手愛護那不如嬰兒  
濃歡豔賞苦不足卻向江頭買舫艦華魂暗逐春潮上

赭圻城畔連林放老樹馮生綴錦枝疏籬對出連珠帳  
是時風日暄且妍解衣磅礴臨船舷憶華便是對華飲  
豈必藉艸當華前人聲忽共江聲沸白沙北望茫無際  
波面初騰戊午魚津邊競度壬申驥大船峩峩帆勢側  
石走秦鞭壓濤黑小船拗怒乍有無野鴈避人沒復出  
千篙萬篙爭一港鹿角車前施白楫長年敲鯨守纜粟  
索縵猴狙繫其項一船未到猶怵怵粟肌鷓立心懸旌  
奪珠龍領竟入手相與都復無平生蓬窗兀坐忽自笑  
憂樂無端向誰告誰遣輕拋宛轉華誰將遠涉零丁道  
故園一夜風吹雨歸夢還應逐華去明歲開時不負君

爲君重賦江頭句

介存齋詩

卷五

七

十七日東北風稍和微雨午止晨發舊縣十里板子  
磯磯在江中蓋鑿其東以通船辟險也舊縣夾至  
此而盡五里黃石磯二磯皆大小陽山支也過磯  
即荻港與池州府銅陵縣交界有河口巡司戍之  
寨三十里入臙脂夾夾外丁谿諸州二十里羊山磯  
干營有度磯今不可見十里丁家州口十里鵲頭山山  
谷去今不可見五里石礮磯一名五霞洞五里銅陵縣  
新面江行自石頭趣西南至此折而西十里銅官渚俗  
豈必呼下港十里雙塘皆可泊十里羊山磯十里大通  
縣前泊巡司戍焉與貴池縣交界自石礮磯至大通銅  
陵縣官及石門天門諸山內巒秀嶂外施平岡沿江四

五十里縣縣無少缺。鵲頭因山置鎮唐屬宣城。  
南陵縣山在州頭下爲鵲尾州屬縣昌縣在荻港。  
西南俗名羊夾沙鎮鵲頭山至州尾七十里紀要。  
引唐志并說如此。今荻港西南三十里內無州直。  
至朋支夾外有丁谿錢谿小蕪新湧手斤白沙曹。  
韓橫港下荷葉九州再上則貴池之上荷葉州矣。  
別無長七十里能與銅陵北十里鵲頭山相爲首。  
尾之州今古不同如此。臙脂夾舟人呼銅陵夾。  
丁谿州呼支沙州進夾南行十里又折而東北行。  
亦十里乃復南行蓋隨江勢曲折云臙支夾至五。  
霞洞而盡山土純赤意夾由此得名也大通復有。

介存齋詩

卷五

六

夾至上荷葉州而盡

十八日東北風陰晨發大通十里五埠溝十里梅根。  
港一名錢谿六朝采銅官山銅于此冶鑄江流最。  
隘十五里麻布蓼俗港郭港自梅根至此沿江皆。  
小山相連過郭港無山矣十五里池口小山連縣。  
伯牙爲勝是日泊青溪埕下入城訪宋葵如登城。  
望齊山與同游瞻南壽君說地形壽君因說張少。  
伯在池余與少伯通問十三年不得一見聞之狂。  
喜卽過其寓已他出矣是夕少伯來月色皎潔丙。  
夜乃去約明日同游齊山余因就葵如寓齋宿。

池舊說卽江別爲沱字因有謂江由池口入合青

弋江下注震澤爲中江今阻于東壩者蓋沿水經注江入池口入字之誤池州諸山與甯國接壤山脊中起山水兩分出池口者爲秋浦青溪等河入震澤者爲青弋江東壩築後青弋江水由魯港出與池口隔山無相通理池口西四十里有五山夾口或江水由此進潮下出池口因蒙江別之名然五山夾另有來原亦非江水入處

十九日游齊山池府諸山青陽之九華最著次則貴池之太僕太僕下有小山伏地蜿蜒在府城南三四里回面南向與府城南門相背者齊山也山北有湖水未盛皆葑艸或方罌爲葑田中有土埂夾

介存齋詩

卷五

九

樹垂楊故人盧湘查宰邑時所植也是日晨雨葵

如不果借少伯及余筍輿以往壽江二君張蓋著

屐先余甥維熙猶子仲愉兒子榕皆在舟中以雨

不獲從山多奇石澗洞平坦處輒有寺宇多頽敗

惟漫巖三椽可坐峭壁數仞清泉下澌老桂雙盤

叢筱四合小憩復登摩崖刻石詩記題名甚多惟

樊川及鄂王二詩最傳誦有齊山二大隸徑尺半

云包孝肅守池時所書也山頂亦可望江及九華

天陰九華不可見少伯七十一歲躡履陟峻阻

輕捷如猿公跼號笑呼野性相悅以此人服卑官

治銳事數十年歷升階無岨崕想見上流諸公契

賞風雅矣然少伯吏能卓犖所至得民取辨非徒  
弄筆墨僨名士如畫餅者得絕句四五古一莫歸  
葵如寓齋太守周午亭炳先以二詩見投太守開  
山詩元籍隸漢軍其先諱有德者康熙間著戰功督雲  
貴相傳系出江南明世官指揮而無譜牒可攷余  
家譜載始遷祖傳八公自定遠從明將湯公和度  
江下常州宜興蓋鄉郡也因家焉論功得世襲指  
揮有弟傳九公永樂中遷遼東隸軍籍無子先以  
義子張添兒嗣爲人所訐乃嗣傳八公子厥後往  
遼因家焉者數支開元周氏自此始以譜訂之午  
亭爲傳九公後無疑作詩述家世報之

介存齋詩

卷五

三

始識少伯于葵如寓齋雨後同游齊山

十萬松園十萬松十三年夢太恩恩沿江秉燭相攜看  
鬢髮朱顏是少翁

便約登山訪翠微瀟瀟晨雨競衝泥漫巖不共臨川坐  
刻燭應教別製題

故人老去甘棠在萬樹垂楊向晚風飛絮飛華三月莫  
浮萍只在蕩塘中

山僧告我登山健太守曾拋綠玉來定是而今無杜牧  
臯言焚艸向西臺

游齊山同少伯貳尹

疊石如疊浪山水豈殊性陡落成盤渦古洞留爪徑幽

篁閒松桂曲直相揜映時時得平曠遺陞想禪定摩崖  
刻詩記石理比玉瑩樊川擅跌宕武穆亦清勁文豪與  
儒將卓犖誰敢並散吏癖幽探矍鑠駭鹿挺西南橫大  
江一覽收絕頂湖田艸芊芊種芰畫方井長隄臥虹斷  
垂柳弄煙暝我游苦不蚤焉足暢元領太僕連九華山  
華正如錦半陳未及疑百難發誠欲錄兼念賦論日  
窮述祖酬池州家午亭太守竊不肖豈敢擬爲

吾宗盛黃武並列東西支東支衍椒聊忠孝鍾平西世  
兼文武資三定江南危義興爲特置秦郡雄荆谿元綱  
弛不張濠梁應謹輦一麾下鄉郡卜宅歸谿澗有弟偕  
樹勳桓桓如虎貌徙豪實開大錦州構新基再世子猶

介存齋詩

卷五

三

子皆自江南移煌煌常棣華南北交光輝運鍾

帝出震近悅先遠來滇南偉殊烈竹帛于今垂自從康  
熙後淑問阻且回南宗譜三續不得聯音微比閭疏亦  
親隔郡戚乃違幼承過庭訓惻惻恆在茲池陽值賢守  
遼潘爲門楣欣然一問訊藹藹不我遺秣摧飲我馬瓊  
玖貽我詩半刺未及投百琲勞先施將非念祖德因以  
徵傳疑我歸自齊山翦燭三復之何能待明發援筆抒  
幽思賈

二十日午亭來且招飲詢知世與張氏爲婚姻張亦

汝清隸漢軍蓋卽添兒後歸宗復姓也午後過少伯劇

漫談同登郡城眺遠兒子輩游齊山歸見少伯于城

二十一日赴午亭招敘家世綦切晚止宿郡齋

午亭招同葵如少伯讌集桐陰桂影亭臨別率賦

有風蕭騷起天末主客紛然問南北主人願北客願南  
主人欲留客欲發主人問客何事歸何不且探九華七  
井之靈奇君家洞壑出人力一卷豈足當崔巍昨日齊  
山賞叢石疊浪捎雲動千尺秦鞭已擲向東海那遣初  
不當羊叱况復榆錢逐飛絮定無酒債悲歧路汗漫盧  
敖采蚰華從容惠子知儵趣主人五馬作達官檢點簿  
書終日閒訟庭生艸野雀下居民耕鑿忘君賢小閣藏  
眞研山富袖墨淋漓不嫌汚坐中磊磊一時英牆外慘  
介存齋詩

卷五

三

稍百年樹我歸必來期不遠會向西窗爝重翦飛廉聽  
客莫聽主吹斷江頭五更雨

二十二日登舟午亭葵如少伯及壽江二君送至舟

次午亭以事先去風雨不能行因同登伯牙山伯  
牙城北小山也志作百牙云牙人聚集處按池當  
吳楚之際余伯牙所嘗經也古蹟率多傳會一牙

人不可耐况百邪不若改百爲伯云山有寺樓南  
向遠覽江山近挹谿樹煙雨無際襟懷暢然雨中

一輿踵至則郡博朱君虹橋也虹橋有弟與余甲

子同譜今官江西虹橋通己已籍宰邑山左倦校

簿書改教授平生未識面聞余來急過訪追尋入

寺握手問訊如舊相識  
一詩雨甚諸君冒雨別去乃歸舟

虹橋郡博送追伯牙山口占留別

池州郭外泊歸船小閣同登意惘然  
遙山欲化一湖煙深情送我眞千尺  
別路逢君定幾年  
珍重休尋瀛海去鍾期相伴且揮絃

二十三日東北風晴晨發池口三十里王家套圖作

羅昌河湯家溝紀要作原子港皆與今異名然桐  
城江路上自樅陽下至石灰河中閒只此一港由  
此港可達浮山當不誤也七十里石灰河入無爲  
州界五里土橋河正對銅陵五十里泥汊河正對

介存齋詩

卷五

三

荻港三十里柵口上流與泥汊河相通卽水中分

南屬無爲州北屬和州正對繇昌舊縣無爲州西  
四十里有陽山九十里有桐山西南百二十里有

三峯相連者曰三公山九峯相連者曰九卿山又  
有崑山今江上所望西岸諸山是也是日未至柵

江口泊荻港柵江卽濡須水入江口也巢湖入

江凡四港最南曰泥汊河東岸對荻港稍北曰柵

口東岸對舊縣又北曰裕谿口南岸對魯港又北  
曰牛屯河東岸對牛渚泥汊柵口同支至柵港汎

而分裕谿牛屯同支至運漕鎮東而分四港二支

分繞運漕四面其上則一原矣濡須山在焉距州

五十里與和州之含山接界孫吳作鴨于此蓋總扼四港之險矣

土橋

岸脅危將侈江流隘有聲遙知新漲出定啟莠民爭度地差均賦屯田或足兵悠悠歸路客落日照餘情

菽港舟次卻寄池陽送別諸友

短檝分魚尾斜風動燕翎江光連岸曰樹勢逼山青別友憐初識還家只暫經終將鷗鷺意浩蕩付遙汀

薄莫江上口占

莫靄籠山宿鳥呼客心應似片帆孤年年只見春潮上雁汊西頭過得無

介存齋詩

卷五

五

伐木 勸遠游也

伐木于山礪斧于泉舍彼柞槭松柏是虔雄雉耿耿丹臆素繪尉之羅之矯翼斯邁油油白雲風東則西焉知舊山何出何歸山川悠矣日月遒矣是惟無求君子休矣曰智曰賢曰集于愆汗漫而游孰而訊焉日月曠蕩山高川永奈何海鼇繫鄰于井

介存齋詩卷之六

荆溪周濟止庵著

初夏小園襟華三首

誰能團豔雪高懸碧玉枝空明慧相徹迨琢神功疑鼠  
姑近臺閣蒼荀親禪棲置身濃淡閒華意吾其知繡球

看華愛潔白況乃香殊勝引蔓青粉牆垂枝綠玉磴光

先殘月起豔得朝霞冰豈無傷手刺未擬攀條贈寶相

射干蘊桂性吐華成紫蝶穿石礪劍鋒臨池耀君褶豈

真齊夢覺或乃傷離合結鄰得忘憂阿儺賞其葉射干

山歎逝

春盡傷春委逝波頻年偏聽百年歌柏庭暝色生濃翠

華屋歸來喚奈何

介存齋詩

卷六

春艸池塘日夜生翻令謝客句難成棗華未發櫻桃熟

燕子能知其被情

山茶一樹亂殷紅牆角伶俚墮晚風倚徧闌干人不見

侍姬含淚艸堂東

顏池玉樹隱僊梅粉本同尋此路來今日城闔再行闕

荒原宿艸不勝哀

胎禽幾見依陶谷白馬虛聞拜蔣祠回首謝公墩畔路

可憐山色似蛾眉

古林寺西軒觀白鳥

古林入山深竹樹而無隙有鳥巢其顛毳羽襟蒼白取

魚哺殼雛漉灑遺便液豈惟擾寺僧兼聞苦行客客來

馮西軒攬翠賞夏雪高如玉蘭階密比繡毬纈時時飛  
麩齏往往鳴磔格謂鷺頭無葦疑鷓背匪碧探奇詎吐  
生象類謝濡翼峩峩據喬松磊磊近千尺年年長子孫  
歲數增什伯鶴孤勢難縱鴻漸桷安得歸登池上山見  
汝池畔立潛行恐動波側目伺濡沫隱身向叢蒲快意  
在一擊情貪行必詭腹蔑毛空潔三復白華詩勞心永  
無極

歸雲堂題贈崇律上人

幽探不覺遠但覺行人稀菰桂爲蔬圃抽椶補衲衣僧  
閒從病得客嬾羨雲歸莫問誅茆者何年賦采薇

畚從甥高維熙質見贈四十韻

介存齋詩

卷六

二

扁舟存姊媚初日出東南玉璞吾將返珠光汝竟含詩  
裁新錦綺劍倚古鉤鐔羣從封聯羯雄文鱗對魃別來  
春寂寂江上柳稔稔吏悍譁同井儒柔且負擔薄游經  
楚尾舊業理燕函正賞脩藤裏俄驚巨浪愁窗圍襦作  
障刻燭淚成滾行役勞伊始風波況乍諳齊山連日雨  
春水十宵談奧窈開蒙密空明見蔚藍長城攻必破禹  
穴險還探得句囊垂錦晞林酒送柑方音存虎賁小學  
鑑龍龕體別應知六長兼莫謝三拓胷迎浩涉役古策  
趁趨君辰清無匹齊梁豔許參豕荒悲卞壺州廢弔羊  
曇細柳離宮路連營老衲庵笙歌歡未歇鞞鼓戰仍酣  
甲第烏衣冷丁簾月鏡涵賦空留庾信詩每贈何戡往

往華枝馥時時燕語喃虛堂容寂照高詠得餘甘裘傲  
舟人子才疏魯國男疵從吹處見餅莫畫中貪偶乞新  
移竹長培未拔柶剖珠懲蛤蚌擇肉辟鶉鶴頌賈六長  
歎刑嵇七不堪飄搖華表鶴威縮繭中蠶晚食娛顏觸  
猶龍頽老聃從知高枕樂豈有下牀慙小閣眉頻礙羣  
芳尾易婪雲情留鬣鬣花氣襲菴菴珍重瓊相贈披吟  
面欲醅故鄉原樂土當戶入晴嵐秋碧銅官嶂春紅玉  
女潭揜苗應戒宋求野或徵郟何日同歸棹披榛構止  
盒

集園見示羣龍戲海卷子

天龍肯爲下碧空畢竟葉公能好龍氣驚戶牖雷雨入  
介存齋詩

卷六

三

葉公不走亦不得翛然掉尾去不返從此滄江廿歲晚  
滄江歲晚煙波闊臥看雙丸出還沒鯤游鼉扑各及時  
況乃有用靈奇姿年年蛻骨未肯老頭角崢嶸爲誰好  
已識豫且當免困若逢劉累休重擾何人寫此羣龍圖  
海山一片雲模餽偶來石上抱珠睡亦或帶子天門趨  
濃批淡抹逞墨妙隱然五色騰光耀真邪似邪誰得知  
葉公老死龍淚垂

放歌贈雁巢上人

智士不受貧烈士不受賤貨殖與游俠馬遷紀其變人  
生貧賤亦艸艸誰計身名誰自了顏淵賴有負郭田不  
然簞食惡能賢沒世無僂聖所疾腐艸螢光信堪惜食

前方丈起于救死流芳百世起于知恥作之或止或不  
止權能自操謂之君子卓哉馬遷兩卷書翼聖尊王樹  
綱紀班生莩莩豈知此

落華不辭樹春風相爲吹甯知含苞日卽是風吹開萬  
事恩恩駒過隙少年幾時頭變白只存一寸心留待千  
古難消沈奈何晨爲饑驅莫爲霜露侵坐奴使主勞駸  
駸落華不留香過鳥不留音千嬌與萬囀難向空中尋  
一枝兩枝香各別一聲兩聲情各切不留能留大造無  
力拜手稽首頌倉頡

倉頡已久文字傳日朞月琢天腹穿天腹穿元氣泄萬  
靈千聖同日畢文字當之自消滅不留畢竟留不得莊  
介存齋詩

卷六

四

生作遼齊鵬鷄大知小知畧無辨當其得意各自如誰  
者是賢誰是愚寓形已定升斗石稱量何須寬笑窄長  
沙舞袞足廻旋君不見長房親到壺公宅

樂亦遣此生哀亦遣此生落筆千萬言畧與數錢量米  
同硜硜二豎牧羊羊已去遣火空燒始皇墓九原龍蛻  
總成灰可惜驢山松柏樹世人見景不見日何況虛空  
木無色欲乘元氣亦易爾復愁無處施鞭策江河滔滔  
孰云東下歸墟沃焦昆侖所藉高天偈人人著地白榆  
欲落苦不易天荒地老頃刻事十二萬年誰疏記我憐  
盤古無奈何一椎一鑿真兒戲

悠悠白雲觸石起石重雲輕只如此河伯無言海若愁

蒼茫一片皆秋水浮萍兩葉何青青春風一夜吹忽生  
羅浮離合爲風雨華首臺高聽山語若非鐵鑊相鉤連  
便欲飄然趁潮去去亦不可知來亦不可知海中巨鼈  
定有數孰舍所戴而戴之中庭百艸各含露榮枯相襍  
不相顧老夫兀坐胡蝶來蛛網檐頭要黏汝

胡蝶我所愛蜘蛛我所憎胡蝶澹無欲蠶齧食有能靜  
觀忽自歎曾次何陵嶒五嶽拔地弄奇怪吞煙吐雲窮  
萬態若然此意鏡得平籠鼈收網罟愚外虻憐憐憐憐  
不得蟻蝓日行三二尺一材一技那肯休自從少年至  
白頭紛紛構門何時了百舌黃鸝互矜巧布穀催將梅  
雨來可憐各種音都老

介存齋詩

卷六

五

小池換水徹底清拙匠畫鏝塵亂紫移山抱甕各有術  
掠以木勺留其精飛華落葉灑易去塵細池迴散還聚  
只因不惜肩背勞明月中宵贈奇趣山顛樹枝芟覺爽  
羣翠低環鏡孤朗葦根漁火似江邊使我沈吟動遐想  
人生莫歌行路難老死牖下豈得爲平安七竅已經儻  
忽鑿琢圭返璞期何年便將生氣還太素夢亦非迷覺  
非悟火宅逢君共君住

池上

接序無餘華晞枝猶綠陰高風一以振策策生秋心穿  
林蝙蝠飛葉下驚魚沈迴塘暗螢出微明欲何任但見  
惡竹竿窗隙羅幽森佳人眷天末青霞杳難尋攀柏不

能餐無松空復吟

空復吟 勞生逾半百仙骨定虛擬躡景無神駒何能越塵海綴

文成積習店乃據腹痞不然掉頭去身世久敝屣紫瀾

攤三山飛落曲池裏冥心追太素庶及羲黃美吹蛤盈  
葦根闌闌聒雙耳

六月一日同人汎湖爲包山之游四日返權得襍詩

十三首

雨勢圓葉梢凝寒也與良辰御夷

力衝猛雨穿雲海縹緲峯頭數湧蓮八尺勞生無著處

天風吹落翠屏前

石公山有軒曰翠屏蓋采袁中郎語也

紫綠相兼無點苔直將泉氣接層崖片雲如絮當階出

莫上高峯便不回

介存齋詩

卷六

六

偶寄游蹤得靜便中郎風度亦翩翩石鐘到處聞鞞鞞

豈獨金庭是洞天

石公山玲瓏如地肺歸雲夕光洞叙軒豁皆奇境也

萬頃蒼茫卷白頭一生辛苦釣魚舟馮闌把似圖中看

直道煙波作浪游

銷夏新荷沒亂蒲雨傾圓葉散愁珠功成身退鳴夷子

曾載西施到此無

西施

秦鞭擲處走蛟龍亂石嵯峨倚短筇東去蘇臺金粉地

不須更上莫釐峯

縹緲峯居西山西南山脈自此度湖而來歷東山自東北莫釐峯而去

山雨楊梅甃有瘢野僧餉客齒流酸莫將世味矜餐蔗

只作尋常嚼蠟看

蠟

石竹華開野蝶飛毳鬚惹鬢總忘機馮君莫向春園去

無賴輕紈妬舞衣

吳王宮殿越王臺一鏡中涵萬古哀不似金陵尋霸業

蔡州全長過江來

沙長江東石頭門戶全失金陵弔古徒襲陳言不若具區大局未改也

初月無光露氣溥白榆丹鳥映波寒今年眼福應須記

信宿湖光枕上看

榜師獨夜奏胡琴已共官鼉擾客心香徑乍開船亂入

爭教霸氣不消沈

絕頂孫登嘯鸞鳳輕舟夏統躍烏鱗秋風未起蓴絲老

張翰當年見事遲

廿年騎鶴住揚州歌吹空誼杜牧樓投老欲尋歸隱處

五湖煙水一浮鷗

介存齋詩

卷六

七

澤國

蘇臺歎沈竈呼癸記三年四十八甲子靈霖今復然未聞湧水出已見青苗菸澤國此重困吳淞誰所宣

北道婁河失西封震澤寬羣龍趨滅沒巨浪齧噴屹陰

火猶山麓棲苴已樹端若非神力在百里付驚湍

東風鼓浪

高于屋廬者丈餘居人呼搶無計晦冥中見神燈巡山麓東行湖水遂壁立不復西上浮萍斷梗猶掛樹杪余

親見之是何神也天不動威不降霖潦又復保其殘命使之自新蚩蚩之民宜何如感畏邪

龍骨傳車製全馮漑旱苗如何屛水出欲使積陰消比

室皆縣罄餘糧付沃焦傷心人散後終夜聽瀟瀟

豈有月離畢非關豕度河殷雷下山易大畝出雲多市

地收青藹連天卷白波鳴鉦猶不起況乃問勞訶

力久農田竭生惟陶旗資錐刀爭已盡螟螣沉潛滋醉  
社稀逢瑞催租困所司必聞

寬大詔恭值

禹湯時

京口晚泊

蓼葉蘋華不待秋疏紅小碧向扁舟誰知此夕荒江上  
浪與行人共白頭

紅霞盡處是迎鑾吏健休探赤白丸未信威行四千里  
虎符偏只度江難

煙波渺渺欲何之送罷成連有所思滄海橫流翻絕調  
卻從何處晉鍾期

介存齋詩

卷六

八

大水一百韻

岳瀆秩公侯言佐亭毒職沈薶祀有典鮮腆牲設福直  
祈歲事豐豈吝闕宮伽黑螟本淵潛遺種在崩劣乘時  
思變化害稼甚螽蟥鮫魚導先路商羊爲羽翼涌水出  
無原巨石當卽泐礪碾闢峯嵌蕩瀾到溝洫峩峩百尺  
松拔若斬狙杙謂宜羣山神攻比齒去慝何圖保兇頑  
甘此俟顛匍西岷及南衡峻厚仰巖嶷支隴所屈盤猶  
望奠巴夔況我財賦區而忍縱抵冒夔關失灑灑東注  
勢莫測歸巴限危灘詖蕩去門闔竭來吞雲夢瀟湘正  
灑灑辰沅且助虐詭道探右肋洞庭與青艸豈復存界  
緘巴陵森見襄漢水潏來逼游女嬌弄珠凌波試丹纈

是時兩師狂天漢傾已蹄耳疲疾震震目眇驚電輓牽  
船張融智結檻杜陵惑惟升平乘樓焉伏元熊軾澎訇  
達九江彭蠡怒而北旌陽鑱忽斷誰制慎郎復舟窺星  
子雉鹽散華州功三方互傾注萬派迷要褊楚尾連吳  
頭居然被吞蝕闖闖吳與會惟

辟所玉食其民習劬勞其土最黏埴正供十居七已改  
禹貢則畫田多方罨網舉類畷戩其穀宜稻麥高者稌  
黍稷下澤亦不閒瓜瓠暨蘿菔比屋匙蓋藏農夫劇織  
嗇徒聞一日蜡敢用三年仿昔者丁癸未亦已困漏汎  
三者循圩塍拊心痛猶畫邇來八九載稍稍覬蘇息徧  
灾或風旱餘蟹苟螟蟾豚蹶禱必虔田祖色無惡庶美  
介存齋詩

卷六

九

禾油油勿負耕畷畷青苗方待蒔望澤情孔亟若非獲  
甘雨何以訓力穡天心大仁愛膏渥地脈防輕輕駕犁  
糶緩緩叱犍植婦子供烹燂亞旅期越翌雛肥盈握尾  
酒醞封缸醞纖雲留太虛霏霖過中昃檐淙聽終夜跳  
沫上落城三日遂聯緜舉眼見汨減初疑宣泄遲漸覺  
汨港塞白波留不去青雀邇來卽乘流出蜀山溟滓使  
心惻吾鄉本山農此際成澤國遙隄混牛馬斷壟游鷗  
鷁忍牽翠帶荇罷膾銀絲鯽晨餐幸豐甫夕犧北固側  
金焦入窗小恂恍非舊陟藹藹連州青茫茫盪雲黑乃  
知三七路經月斷邪幅哀哉吾民愁匪也月離忒東風  
駕潮上鼉屨鼓全力金隄豈不完志在同日克奔騰萬

騎蹴馭選六鼇亟羣生赴冥會遲速爭晷刻百年聚熙  
壤煙火一朝熄堂厦摧若枯何暇問庖福浮沈託片版  
親串其徽繹濺濺魚生頭啾啾鬼哢嘒魃棺和亂鳧鷺姓  
氏焉足識摸金雖名官未抵此殘賊高冢見遺黎尫廬  
面無色搏泥寘缺鎗蔽剝攤敗被溼薪吹不然腸鳴涕  
霑臆素絢撻菱蒲樊圃探枳棘汨沒雖僅存餘生轉危  
仄哀鴻已鍛羽復恐被矰雉盜賊方剽輕小艇夜梭織  
乘危覆破巢毒十倍沙蜮乾坤成一槩何地供竄匿敲  
骨定無髓抽腸甯有膂跳擲羨詹諸翻飛輪蠹蠹穢  
則云盡健粥那可得號呼喚已瘖拯濟日屢拭

大君邁唐虞

介存齋詩

卷六

十

宵旰念農殖嬰兒撫兆姓戶闕眎九域朝披疆臣章夕  
降樞使

敕已聞

沛堯仁轉用懷汲直奉行頗不易視爾諸豹飾隱實慮  
引延飛灑防詐慝飽看溺人笑願審吳王墨虛衷宜豈  
弟峻法繩培剋懷茲馬索朽慎勿弛銜勒置器藉白茆  
繇文戒烏鱗從來傳循吏其道尙惻愍殺實采園桃無  
知軫銚芑安土俾重遷懷哉

帝之德

小池爲塵垢所蒙手木勺撤去之不輟晨夙果獲清

不勵澄清志應慙疏鑿功劉輿衣上膩庾亮扇頭風積  
負祇相匹滌洞已暗蒙靈湫神使鳥愚谷羽斯蝨北斗  
樹如此青雲注許同餘波資灌溉深夜辨游沖飽見蟬  
投爚難教爵去藪根知因濁水燭敢到幽宮冰約趨脩  
經星奔化白虹勢成遙易集機決近先攻浩蕩三驅網  
晶熒一鏡銅未須將運甓猶爾笑衰翁

池荷篇

前年種荷飽魚腹荷小魚長易吞噬今年取魚先竭澤  
大者暴腮將入市一寸二寸何能爲幼子童孫勞撫字  
是時種荷荷便活嫩綠凌波有香意與魚已絕耦俱猜  
近葉惟看漉濁戲一去家山月再圓采香銷夏問田田  
介存齋詩

卷六

七

白波渠帥恣衝突碧筍情思空纏絲裊露牽菱小舟入  
背風映日孤莖妍別工側出倒垂態都非爛熳芳華年  
歸來粉白尋何晏鏡闇梁傾那能見已知薄孔入汚泥  
虛想金人抱長箭元武茫茫北郭迷青谿森森東園變  
怨笛誰翻水調歌空梁蚤散丁簾燕新月蛾眉落影低  
彩霞魚尾騰光餞半脫生衣捲白紗還敬短榻對銀河  
高槐蟬靜風仍咽深碧螢來露更多一葉一華真可惜  
奈與蒼生共沈溺中澤鳧毳掘未能蒲羸播蕩移難卽  
高杭下稔收不得秀竹天桃死如積君看懶惰廢耕人  
猶爲池荷三歎息

颯沓風斜入從橫電四鈔雲馳新試馬雨挾舊騰蛟驂  
躡虛空碎沈淫旦莫滄才聞搏北海倏已近西郊令想  
雙牙肅機直萬弩包嘘枯皆亂蝶襲隙卽鳴嚙舞困蕉  
衣裂眠殘柳帶捎松身定白骨桐葉下青骹勢壓癡龍  
墮聲驅伏虎虓摧鋒飛勁鏃妮隊引長菱石面當疑泐  
魚頭痛欲警迴旋隨鶴激盪起鉦鏡密豈簾痕映狂  
難竹法交倉皇鳩索婦傾側鵲迷巢急溜縣三峽陰巖  
合二嶠廊虛驚墨潑池窄競珠拋已切懷襄感方占損  
益爰屨衣生鏤底解沫聚堂坳貫識牽船任難辭不韋  
謝下牀尋畧豹當戶織蠓蛸瓴臂將魚爛蹶泮亦鹿跑  
市爭來壘斷居半返檣櫂倚枕慕釵股當階滌飯箚病

介存齋詩

卷六

三

情多告廬藥物欲攻脬厭說沈雷殷覓贖大叡窈行天  
祈赫赫如晦惡膠膠別有山農賈偏當地力堯苗枯心  
久盡泉竭手難培新月仍覘瓦叢祠暗卜筮全家勞井  
谷失喜望雲旂霑足歡初洽流離聽總聲閉田須築圃  
暇日且誅茅穀佐儲蔥薤糧春計斗筭高鴻矧矢雉狡  
兔覆車蜀憂樂情原異沈吟意轉恹浮游雖逆旅蒼赤  
究同胞涼入清冰簟晴回綠玉梢訊知潮漸落課定穡  
方苞射隼誰藏器牽牛此繫匏河湑慙素食園實儻堪

殺

落葉

落葉等辭樹何人惜比華蒼涼感秋氣散漫向鄰家埽

只空階積炊休曲突誇多情託青女還爲一停車  
莫遣風吹折垂楊到地枝甯教零落盡猶有別離時池  
面縈魚浪檐牙罨網絲無聲入秋夢幽意總能知

手納涼襍賦五首

落日生涼意高風淨遠天漸迷孤寺塢喜見晚炊煙葦  
笠江湖足松篁洞窾偏甯知城市客漫浪亦多年  
今夜月初白定知秋暑微蟬聲疏乍咽螢火溼還飛餘  
韻在高樹暗光生葛衣么麼爾何事故故動先幾

竹榻潤紅玉贈來從竹西故人心鄭重小坐足吟題積  
暑自茲去輕塵行復栖因之感元化世路有雲泥  
牆角秋花發驕陽炙欲枯露光初泛白粉色乍調朱乘

介存齋詩

卷六

三

化原爲爾知時亦不殊君看小山上麓桂孕新珠  
燕斂飛去後冷玉球遺簪潭底沈孤豔人前抱苦心舊  
恩雲鬢改新寵綠衣深莫買長門賦相如正伏吟

杜鵑行

杜鵑百鳥尊生子眾哺之方春雛已成斬斬羽毛齊翩  
翾在早莫百鳥心所儀一朝失歡愛蹴蹋離高枝骨碎  
榛莽閒永與父母乖悲怒有時息焉得不傷悲月落白  
玉盤天淨青玻璃東海日未出眾星弄光輝斯時守空  
巢欲去不能飛定知華上血不是爲華嘯秋來雖抱卵  
成否安可知卽使浮出澱霜雪方稀魏窮陰山谷冰烈  
風殺葉摧果實零落盡蟄蟲戶已扃眾鳥不自飽疇能

銜食來老鵝背爪秃雙翅恆低垂三日無主人黃口磬  
然飢旅上必號咷君子占明夷明夷亦何傷昔有文與  
箕所嗟在南狩乃爲疾征疑連林一簸盪萬族皆傾危  
羽翮旣未豐何暇矇且翬顧傷腸毳短仰憚浮雲顏冥  
鴻獨遐行哀音當告誰

朱明池上小山登眺

西南涼月白皚皚漸有紅霞海上來江城如畫秋還好  
殘暑無多送卽回同樂便愁安石老巧文只見智瑤才  
孫岡蔣廟誰行踏二水三山別翦裁

葦邊散牧馬嘶風驚鯉跳波意亦同露下五更涼警策  
秋來萬里氣沈沈雄滔滔水逝林垌出每每田成稼穡功

介存齋詩

卷六

十四

焦扇葛衣猶得似貞元池上樂天翁

秋興

冶城西去莫雲開浩蕩江從此路來夜靜天含金水氣  
月明人立露華臺蕭蕭萬木風潛入渺渺長汀鴈卻廻  
直爲蒼生留謝傳可堪絲竹不勝哀

鐘鼓聲沈野寺荒微茫山影辨清涼雄關虎踞開三國  
落葉僧閒埽一房浦遠漸尋東府路潮平欲失蔡州長  
烏金苦向人閒出剩把鉗椎付法王

微風颯颯葛衣輕月不成華露欲生自古中年易哀樂  
幾人老筆定縱橫星沈海閣難重見電繞虹流別有情  
那要清歌聞子夜蟪蛄十里送餘聲

樹樹蝸蟻向夕瘖祇餘絡緯助秋唼井梧枝弱飄零易  
砌竹陰多怨抑深車相功名才數月馬卿詞賦欲千金  
海棠細碎休成淚腸斷西風不可尋

疊石峻嶒抱曲池獨尋細路夜行遲長輿縱有捎雲幹  
彭澤全疏踈地枝歷歷江關犀渚黑茫茫華艸鳳臺欹  
紅藤白木應須去老盡商巖五色芝

漫向青谿問小姑子文白馬骨潛枯燕泥舊落烏衣巷  
蓮萼新沈元武湖見彈思鴉原蚤計順涂詠鹿未全誣  
雞蟲江閣看雖貫可奈秋鷹頂上呼

耿耿銀河辨卻難露痕霜氣逼霄溥欲邀古月同尊酒  
重卷疏簾倚石闌烏鵲繞枝風力勁魚龍嘯夜笛聲寒  
介存齋詩

卷六

五

扁舟只擬滄州去復恐珊瑚惹釣竿  
襍組閒吟往復還小園岑寂似空山樹能得蔭須人壽  
叱不成羊豈石頭五馬臨江愁錦障六鼇驚浪失煙鬟  
鸞飄鳳泊尋常事酒勸長星一破顏

送內弟徐信齋

紹開

南還

晉書蘇燕武書寄高文蔚

情極歸無情道本出古聖淺學迷不知乃云是禪定尸  
祝不代庖物物各自靖若有待乎彼何以立其命勞生  
逾五十甫乃涉斯境視彼兒女緣如禽偶相並春華弄  
樹姿秋月發川性一一從所安吾心澹先竟

別酒爲君斟別淚不須灑悠悠遠行客勝屬那便解與  
君屬嫵姬依若行待拐一朝動歸興羊角開芴芴故園

徑未荒脩竹山可買浮沈託舟泝森瀾遵渤澥倒餐甯  
羨蔗食苦久習蕢若云有餘戀吾老豈童駮

禽從甥高維熙質留別且爲說詩

昔來楊柳風江上吹面神融融今別紫薇月艸堂賦詩  
心憒憒問字每訝楊雄奇說律休嫌杜陵拙候蟲時鳥  
感氣鳴人亦與之同一生乾坤落落入頰仰錯綜七曜  
無停行昨夜今朝又明日路轉峯迴非故轍不能飛鞚  
勒野馬笑煞團團磨驢蹟妙華偶見空中雲攬之懷衰  
光景新況復人閒有人事一一釀作松醪春三年不發  
清且醕華前細酌紅蠡尊清歌妙舞送不得但覺奕奕  
須眉神高甥學詩已闕門所苦力薄無經綸成函笙典  
介存齋詩

卷六

六

豈僻遠且探月竈窮天根不然白戰多苦辛蹂以鐵騎  
僵且奔一心運用萬人敵古來兵法徒紛紜

送劉持正

滉

北上述舊感懷卽題行卷子

酒徒散墜長安雨棊局平章建業秋回首廿年眞漫浪  
無端五馬亦浮休漢廷有日思張敞班掾新裁傅杜周  
紅蕩碧蘿成底事送君橫截大江流

陳素菴檢少年時畫幅索同人題詠爲題兩幅

南紀方同溢東朝況不歸始知谷汲者作計未全非生  
氣迎人出秋菘特地肥誰從亥唐飽多恐只儒衣

點檢當年畫蕭聊此日晴紅衣嬌入侍白水澹尋盟派  
漫黃徐別名從蔣輝成監門休泚筆飢溺有公卿

感懷

蕭蕭秋雨桂香醴寂寂幽局秘玉函廿載循陔賢不愧  
半生浪蹟老何堪祇應社近歸同燕豈有絲長縛比蠶  
分得金沙泉一曲明年眞向北山南  
華年錦瑟別恩恩春水園林剩此翁宵漏易殘迷落月  
高梧先墜感秋風斂分侍女傷心碧花孕東堂隔歲紅  
老淚卻乾還欲陟可堪九度見期功  
勸我休耽游俠傳消年合著太元經短衣匹馬人皆去  
疏雨斜風酒獨醒神女荒唐留漢佩么弦悽惻寫湘靈  
秋蟲苦傍落階翹曉燭光中不耐聽  
鈞絲尙想倚紅闌露氣晨侵翠袖單脫骨荒原都蔓艸  
介存齋詩

卷六

十七

駐顏人世豈金丹青鸞只向愁邊去錦字難從織後看  
滴盡芭蕉天欲曙耐他秋雨一宵寒

秋海棠

砌下冰紅淚何年始斷腸秋蟲寒共語春睡遠都忘蟻  
國荒涼夢蟬衣淺薄裝嗔情得風雨一夜露爲霜

題張仲立種蕉學書圖

羅雲織作衣纖輒淡碧輕黃半舒卷一丸石騰勝松膠  
嘯樹仙人意何遠冰盃須啗上水舟剡藤滑膩擘中愁  
韡紋亂掌新鵝出六角當風動早秋張郎家學傳鐘鼎  
不愛顛狂稱草聖內格簪華許比肩曲池爲洗浮煙淨  
佳兒玉雪疑庭前蠟鳳堆碁事事妍任掣湘東三色筆

陶谷花木問畲詩六十四韻

喬松如貴人端拱在高位連林非不奇懼伏莫敢對古  
梅臥南榮偃蹇無窘態雖值不華時森然擁幽翠蛟螭  
上拏攫鸞鳳下翔翹問年應入宋紀日甯論亥主人簪  
纓胃寄迹卜荒蕨一叟聊自環籬短物無害時時素心  
人來飽畦上菜秋花香近市空城走看桂此地有數株  
戕賊餘槩在不能全其生比梅詎無媿遂令山要松勢  
欲凌萬彙短桂昂其頭所說頗可記其爾俱後彫偶然  
值殘壤盤根仍鬱勃發氣欲蒼蒼歲寒豈云遠知希賞  
終貴況爾節目多亦非棟梁器不然豈神呵乃免斧斤

介存齋詩

卷六

六

逮莫矜所居高而輒棄顛顛比鄰有紫薇本合玉堂置  
委根向空山枯死及五載主人惜不伐一旦生理沛年  
年百日花耐久畲所慰幽人與草木佳秀同氣類尚不  
負死生豈復計榮瘁長松欲有詞古梅爲之喟桂爾昔  
初植吾見甚童穉抽條而揚華頭角自矜異其時主人  
賢護爾莫剪拜爾松亦尋丈儔侶千百輩旅進無殊姿  
絕不係憎愛後來漸長大主人值狼狽甲申加黃袍乙  
酉出青蓋高墉比如櫛一炬曠爾界樵歌芳圃出瓊樹  
山童戴松因漸漸稀桂亦奄奄斃稀留孤兀冪斃轉叢  
羅繚餘生纏近想遠鑿迷前代老身所閱歷尙未及五  
季側聞隱仙翁爲說六朝事升沈爭旦莫帝闕等旅寄

名園與大宅那得百年外以證吾所知興衰炳如繪仙翁暫韜華或者有所避世人目力短謂之已長逝其實殊不爾不久當復至眞州一江隔不見魂返易彈指幾十年若醒一宿醉直須隱仙翁歸爲汝排比長者勿錚錚短者勿契契全者勿自矜殘者勿自棄蚤枯詎憐傷重榮戒呈瑞勿恃寵而驕勿有激而恚用難非材大掘徙省花媚鴈鳴庖人舍樗散工師昧材不材之間寬然有餘地我時立山陰月黑雲鬣屬物論齊轉紛寂聽心始悻歸來釋斯語中夜不能寐何人壽此木動作百年計所遭每坎軻其事甚纖細往往鳴不平有若狼窻沸古梅信吾師高詠陳德義

介存齋詩

卷六

九

明樂安長公主印歌和徐徵士

漢蒼

雙鑄哀蹠三百兩菜戶茄花配東廠手碎金甌是日兄獻來秦璽還邀賞昭陽崇儉記鐫黎寶篆偏爲小妹題西李沈淪東李貴柱龍飛後鳳簫吹粉侯賜餅何平叔白鶴珍珠看不足寒鵲應隨研匣歸笑他江敦無文福並校偷殘經厥書明妃九母鑿何如鈐題定有連環字片紙難尋劫火餘可憐劫火災梧櫛雄劍蒼黃文武盡灰輕白蜚散遺編香結紅蚪牋小印故物摩挲感易纏漫將書畫比承乾英英碧化忠貞血長抱千秋紫玉煙

題荔庵徐

漢蒼

修竹吾廬卷子

攬君圖畫動歸心亦有先廬三徑深往日惜遲眞鑄錯

陽春和寡欲，椎琴且扶綠。玉空山去自賞流，泉太古音  
產得靈芝能五色。東園角里定相尋。

素庵招看木芙蓉，因作陶谷餞別圖。送春海入都。

一代文章班史重，二年游賞謝公親。終須去作蒼生雨，  
那得真爲白社鄰。惜別芙蓉攀木末，放船鴻鴈滿江津。  
自嫌老筆頽唐甚，只寫空山草樹身。

隨分清塵與濁泥，卅年能得幾相攜。漫論往事銷春夢，  
漸覺新連病夏畦。橐筆欲求靈境助，裹糧難晉一枝栖。  
五雲到處人爭奉，倘許天涯路不迷。

九日伯恬見過示新詞

有雨無黃菊，持螯興亦孤。鴈行零落盡，忍獨插茱萸。

介存齋詩

卷六

三

客至憐愁疾，班年許謂昆。新詞吟不得，斜照盍山園。

喜聞情田歸自吳下卽寄代柬

風雨連重九，端憂感綠莎。故人新問至，小舫載秋回。稻  
比何年熟，鴻聞幾處哀。菊花從不發，遲爾舉深杯。

讀小倦游閣集

悠悠送日月，渺渺涉郊甸。川原邈無竟，征役有時倦。已  
嗟風物異，況乃節候變。霜露亦在茲，弱草欲何緬。翔雲  
趨西南，念彼谷風煽。少男乘坎氣，落實竟誰幹。逃矣衡  
之陽，誰誰有鳴鴈。

華燈豈如月，亦生幽室明。適用則爲寶，何必白如霜。日  
馭歸有期，繼照亦有常。團團三五夕，不獲承清光。故知

晦朔閒益使浮雲翔感歎還入戶惜此蘭膏芳  
古人念已遠遺容炳圖冊真氣所鬱蟠千載儼對席奈  
何同心友少合多睽隔山中木葉下江上秀萑荻鷓鴣風  
動高影所寄馮六翻大鵠縱脩鱗芳蘭葆泉石禮容麗  
皮始佩響衝牙漱襍組成章和聲倚琴瑟  
織室無豔女工肆無酒徒志士苟匙營奈此歲月徂孟  
夏彫朱英垂實豈日娛甘苦從所安委榮心已愉貞元  
有運轉榮萃遵一涂大造豈不惜非時欲河如所以艱  
畔農祇讀授時書  
鳴鑿津長河不若杭一葦平乘戒衣袂不若一壺美嗟  
嗟龜手封臨深詎非恥褒衣雖節步急管終疲耳大哉  
介存齋詩

卷六

三

蘭陵儒得失戒其侷  
斯人金閨彥亦既辭蓬蒿盤桓尙居貞白賁無其曹少  
年穎自脫老大荒轉包室中兩龍劍什襲同鉛刀周行  
寘信美望古夔已勞卷耳不盈筐蘭杜芳南皋飛飛雙  
黃鶴翼羽凌丹霄目對甘苦貧祖安委榮心日俞貞元  
病菊  
窺園日以疏落葉日以積病菊無秀枝頽若鶴俛芻豢  
伊嚴霜下毋乃漑澤失衰年謝農圃樹木牲所適嘉卉  
亦在庭率彼無序職植根異深淺偏萎敢御責岐仁有  
先施漢醕優廢疾遺忘已足恥申戒在滅裂  
菊生桂樹下雨露已有私抱蠶以漑菊桂乃先得之彼

皆君子性豈不懷惠慈地勢旣必然清操難獨持敬告  
灌園叟桂菊皆爾司但視菊榮滋勿憂桂萎蕤託根共  
尺土同食無獨飢詩人闕遠猶乃刺在梁鵲

以圖風離喻之指趣鑄温章周辛之面目一時作者歸  
西晉卿集其成余與晉卿議論或合或否要其指歸  
行正鵠倘亦知人論世者所取資也旣刻詩乃并平時  
所爲詞刻之兩先生往矣聊以質之晉卿焉  
道光癸未仲冬介存居士自敘

孫士英上俊校字

介存齋詩

卷六

新主英上刻字

其人全用唐詩句  
平五句散老  
其價美望古貨已外若耳不益從商社方  
黃鶴長羽黃丹香

病菊  
題詞日以疏落葉日以積病菊新秀枝頽若鶴  
伊蘇  
入土同食無蹤踰壽人闕數歲代陳查樂識

斷園叟桂菊皆爾司但視菊榮滋勿憂桂萎蕤託根共  
尺土同食無獨飢詩人闕遠猶乃刺在梁鵲

自序

詞之為技小矣然考之於昔南北分宗徵之於今江湖別派是亦有故焉吾郡自臬文子居兩先生開闢榛蕪以國風離騷之旨趣鑄溫韋周辛之面目一時作者競出晉卿集其成余與晉卿議論或合或否要其指歸各有正鵠倘亦知人論世者所取資也既刻詩乃并平時所為詞刻之兩先生往矣聊以質之晉卿焉

道光癸未仲冬介存居士自敘

自序

一

後次癸未仲冬介存居士自敘

風氣隨陵之兩夫也矣曠以質之晉卿

晉五器命亦映八備世普視東資出聘校精以并平初

出晉輒樂其規余與晉卿藉齋齋而合矩否要其詠隨各

以國風離騷之旨趣鑄溫韋周辛之面目一和并清韻

則遊且亦齊詩語晉卿自舉文于風兩夫也開闢榛蕪

詞之為技小矣然考之於昔南北分宗徵之於今江湖

存審軒詞

荆溪周濟止庵著

目錄

卷之一

菩薩蠻 六首

浪淘沙

虞美人 二首

洞仙哥 二首

卜算子 二首

長亭怨慢

疎影 二首

南浦

高陽臺

青門引

蘇幕遮

蘭陵王 一首

永遇樂 一首

湘春夜月 二首

目錄

阮郎歸 一首

霜天曉角 二首

相見驩 四首

齊天樂 一首

臨江仙

暗香

氏州弟 一首

虞美人影

應天長慢 一首

念奴嬌 二首

一萼紅 一首

拜星月慢 一首

憶舊遊 二首

木蘭花慢

六醜

雨零鈴

祝英臺近

綺羅香

點絳脣

浣溪沙 二首

風入松

八歸

少年遊

蝶戀花

玉樓春

小重山

卷之二

木蘭花慢 二首

水調歌頭 三首

八聲甘州

摸魚兒

賀新郎

長亭怨慢 二首

揚州慢

望海潮

菩薩蠻 四首

大酺

蝶戀花 六首

六么令

相思兒令

浪淘沙慢

西地錦

壽樓春 二首

目錄

浣溪沙慢

好事近 二首

引駕行 令

聲聲慢

木蘭花慢 首

風入松

金縷曲 四首

風流子

破陣子

鳳銜盃

定風波

滿路花 二首

鬥百花

月上海棠

碧牡丹 二首

江城梅花引 首

醜奴兒慢

三字令

新荷葉

掃花遊 首

迷神引

度江雲

霓裳中序第一

木蘭花

鶯啼序

臨江仙

哨遍

目錄

男佐臣曾孫振庸校刊

三

吳郡曾孫避亂楚氏



自序

卷一

霓裳中序第一

詞工曲

木蘭花

存審軒詞卷之十 上見風雲 荆溪周濟止庵著

菩薩蠻

嬌憨未識相思苦 盈盈漫捉風前絮 春去繡簾閒 黛痕輕上山 殘碁拋更著 女伴驕難約 特地唾絨窗 爲添晴晝長

大浪淘沙

遲日照房窠 春太冥蒙 簾旌輕漾棟花風 一架酴醾香似雪 何處殘紅 風迴枕曲屏空 纖甲重重睡情比勝酒 情濃多少 流鶯催得起 夢又怱怱

虞美人

昨宵枕上驚春雨 簾外無尋處 離人何計得消愁 約到

存審軒詞

卷一

一

平山山下泛輕舟 梅花信逐東風 遠蝶夢誰能遣 不須把酒倚闌干 纔放春晴 都不記春寒

洞仙哥

落梅

低飄亂灑 早東風輕餞 翠被餘香 有誰戀 正多情何遜

賦就招魂湘簾外 空記當時妝面 春酣能幾許 穠李

天桃一例斜陽委 深院凭山中人乍起 橫笛孤吹 偏羸

得啼痕如霞 怕燕子歸來 自殘英總不見 枝頭賸紅一

片江山

莫甚此更著 文牋 羅幃深 此垂 慈窗 爲

菩薩蠻

財思苦 益益對 疾風前 紫香去 戲 簾 圓 翠

殘雲和雨風吹度 深深小閣疏簾 莫落盡 刺桐花 綠陰

簾外斜 影娥池上見 風定蟾光 徧徙倚 若爲情 弄波

卜算子

山遠樹橫煙雲淨波涵鏡萬字闌干八字橋坐久衣裳  
冷 乘月卻歸來小院人初靜漠漠簾波淡淡風過了

梧桐影

虞美人

曉涼和雨醒殘醉綠卷簾波碎牽牛花淡兔葵濃那更  
惜花雙眼到烏榕 人間不種紅蒲草夢也無心好暈  
潮枉記夜來痕留住花枝留不住花魂

長亭怨慢

新竹

正堆砌飄紅無數綠意誰教一釵如許楚楚娟娟料應

存審軒詞

卷一

二

先是舊風度隔牆初見恰帶著星星露有客到門來都  
不管何人爲主 姑住拂春衫似雪算只極天飛絮青  
鸞尙小休便要倚風歸去作道是褪粉留痕也難留生  
香銷處待綺月紛紛卻卧橫窗殘暑

疎影

風竹

亭亭裊裊料碧痕一餉無此風調日莫天寒翠袖人來  
無端卻恨秋早紅衣褪盡蓮房冷問那憶侵肌涼好但  
隔簾看取玲瓏便爾爲伊傾倒 幾許花須柳眼一生  
儘付與煙散雲渺吹入秋心依舊蕭疎不管羣芳如掃  
朱幡莫向人閒借算此意少兒應曉廿四番仍要催春

山角正封雲最憐他都要分些晴意淺碧閒羣芳依然  
作秋雨秋風心事籠煙鎖霧留將好夢渾無計莫卷重  
簾親切看消盡韶華流水玉簫吹徹丹山料重來不  
記入閒何世小築遶幽泉巡三徑剩得霜痕雪漬江南  
路好無人同住梅花裏千萬莫愁時節換璧月還來石  
底對對蘇籜卷 登前樓盡寒聲望見西湖西風  
正高陽臺雨竹等一半春缺孤舟莫更慙餘韻雲莫  
潤氣生衣翠陰沈樹不應畫得秋真小別天涯聽愁又  
替何人斑痕不照湘潭水怕淋浪醉也無因但銷疑一  
片雲幃一片苔茵 故山歸去呼猿鶴放春波千頃流

存審軒詞

卷一

三

盡斜曛儘夜舒蕉分他一半酸辛相思不爲相逢斷爲  
難消寸丈縑塵更誰知近了殘秋遠了殘春 出韻一

青門引 琴劍歸櫳不勝重惜 恨真小 恨天低 飄揚又

江水無人管流得一年春短征帆莫更滯斜陽碧雲莫  
合惆悵繡簾卷 燈前勸盡玻璃盃璧月何時滿西風  
正好涼夜笛聲隔得紅塵斷莫戀湘館楚雲 豈來 不

蘇幕遮 世小 榮華幽恨 淚空 盈 陳 辭 韻 泉 雲 寶 珠 南

莫山橫春水定紅袖人招綠袖人遙應如此丁甯如此  
聽懊惱征帆越是東風勁雲怯花愁憐酒困欲飲還辭  
欲去何曾竟月滿江樓良夜靚絃扇團圞不是菱花鏡

浪花蹙搖動愁珠萬斛休回首無數斷霞剩把鞋紅襯  
嬌綠尊前擁雙玉頻屬流芳散馥氈氍毹展眉影鬢絲都  
占當筵定場曲合紅蕉挂蝙蝠更戀蜨春衫飛燕華屋  
斑雕忍換連江舳汎判袂離席握手南浦丁甯未語恨  
太促但望斷橫目修竹湧棧觸正樹遠斜陽風冷樺  
燭分攜一樣傷幽獨怕粉本回看綺緣重續歸途如此  
爭挂得布帆足真

疏影

仙蝶圖爲祁生賦

離情未了又倩雲將夢扶向瓊島喚醒春魂不爲花枝  
風前自倚嬌小秦宮未肯花閒活儘凍折寒簧清宵恁  
鳳車故故飛飛似惜落紅依草合休問裁霞傳粉有誰  
存審軒詞

卷一

四

從扇底悟得秋早住慣羅浮雨合風離只伴梅英霜曉  
如今縱悔驚塵錯已悞卻韶光多少恐畫圖難畫歸心  
一任翠衣人老

永遇樂

題祁生洞庭緣院本

流盡年光何時眞翦寒碧千頃水珮風裳抵銷庸福不  
是無人省靈旗卷雨輕綃護玉還訪橘根仙井算人間  
花嬌柳寵再來但尋波影蓬萊路遠憑仙風吹去空  
笑浮萍斷梗徐市新來不堪重記燒劫秦灰冷巴陵山  
色爲誰窈窕只合共浮魚鱉伏橫遂眠珠正穩莫將喚

醒絲尊前

雙玉醜圖對芳蟻

更湘春夜月

滄洲道中 見女子鬢微

恁天涯幾人煙水浮查不信霧髻風鬟都付與楊花亂  
蹴秋千紅影隔淥波青粉柳外誰家算吹簫那是揚州  
舊路雁齒橋斜扁舟倦客安排清淚重賦琵琶值得  
汎瀾渾不到迴鐙喚酒低訴年華明宵何處料相隨祇  
有昏鴉向淡月祝眉痕雨點依他纖影休被雲遮

菩薩蠻

秋蟬寄劍樓侍御

涼風初定纖雲聚蕭條已是愁如許知道一聲難夕陽  
天際山露光連月白容易黃花節真箇不禁秋轉簾  
人倚樓

一溪夜雨痕如線枯形病翼羞歸燕莫更訴西風斷霞  
零碎紅有人憐髣影真爲清宵冷難忘是斜橋綠楊

存審軒詞

卷一

五

千萬條

阮郎歸

秋海棠

露蟲和月弔清妍秋痕都化煙只聞腸斷惜華年斷腸  
誰解憐疏雨後夕陽前砌蛩啞正喧輕紅一例委霜  
天輸他聞杜鵑

霜天曉角

和晉卿

別路人閒記曾扶袂看消得疏林遮住怕憔悴望長安  
落日又輕寒莫雲浮亂山添取一分黃葉渾不是見

時難

永遇樂

紅葉洞琅卿賦

過了啼鶉恩向真箇人比花瘦烏白門前一番秋信消

得重回首斜陽明滅輕雲零亂不是釀春時候應愁絕  
新來夢蛭怕禁月明清漏 緇塵浣罷江南舊路還共  
停車貰酒聽雨深樓延秋別館記去年約否不成又作  
新來離緒冷伴吳江衰柳渾輪與驕紅一院曾歌翠袖  
湘春夜月 答枳村見贈同訪申耆卽送別之京口作  
太恩恩人閒如此相逢正好籬角殘英憔悴伴西風撲  
盡軟紅塵土向荻花霜葉且泛孤篷恁瀟瀟暮雨懷人  
又見梁燕泥空 江城夜午分攜剛趁蕭寺傳鐘北固  
山橫知幾處新洲曲港留得冥鴻吹將鐵篴怕低飛便  
過遙峯認舊侶爲齊煙九點雲臺東畔親問珠宮

相見驩 采蓮

存審軒詞

卷一

六

湖光不浸山容翠陰重許擗桂枝雙槳到花棗 文鴛

睡游魚戲語才通莫載滿船明月又相逢 開來宮

波心魚夢初圓觸輕舷遮莫滿身涼雨溼如煙 秋風

別紅衣惜又淒然采得空房歸去動經年 幸曾鑿此園

又題紫雲出浴圖 露葉且 爲教 試蕭蕭 莫雨 對人

晶簾不漾微風露光融薄薄淡羅衫子映肌紅 西梅花

落瓊簫閣夢無踪化作梨雲何處認玲瓏 文 意 中 亦

森森鳳尾垂陰倚闌尋尋到月涼雲轉夜深深 羅紈

小流螢巧恨空心莫是芳魂銷得到而今 否不 又 亦

齊天樂 蠹蝨米樓有之蠹蝨故册所成也寄形虛空

綠茸不記尋春路濛濛但留纖影玳管輕揜烏闌細寫

生被銀魚驚醒，燈花燄冷，照一片愁痕倩。誰重省，欵枕  
商量化伊還怯。夜風緊，重羅浮休便去也。有神仙恰待  
圓月如鏡，雲借裁衣，露供調粉。爭又前身虛並芝田萬  
頃。任竹榻蕉窗，箇人消領。翦紙招來，費細梅半餅。  
菩薩蠻 七夕 吟咏得蜘蛛秋蕙

秋心約得如絲瘦，還將鈿盒輕輕扣。得巧莫言多。迴文  
挑幾梭。顰釵頭親驗取笑。避穿鍼侶恐是悞。飛來鏡奩  
朝不開火。詞譜 詞林典故 卷一百一十五

湘江更比銀河遠，有誰綉佩臨清淺。欲采閒芙蓉，亂霞  
深萬重。垂垂仍合蒂，不爲秋憔悴。生小別穠春，卷簾  
雙玉人。詞譜 詞林典故 卷一百一十五

存審軒詞 卷一

臨江仙 陸丹山工墨梅索詞賦贈

七

手種春英過尺五，年年悵卻花期。越羅初試月生衣。畫  
眉窗下香屑散，霏微。化蝶還憐，玉骨纖纖又見橫。  
枝曉風吹面酒醒時，一雙翠羽無處寄相思。

暗香 扇上梅花

鏡頭笑撥，空蟄吟，惡長對派來。戲奇

露華似水，想夜來和着秋英，都碎幾陣。緒風老盡羣芳，  
臍濃翠江北。江南往事，抵多少，垂鞭摻袂。但暗記一角  
春山寒玉響環珮。人憔悴，碧雲外，又猜得，笛聲喚醒殘

醉綠珠未墜，夜約春痕幾券。在祇恐齊紈，易擲空驗取。  
班姬清淚，甚目向煙浪裏，雪蓑共載。出商帳，曲劍  
王氏州第一 大明湖醉歸

風定晨鐘月暗夜柝依依漸增秋思謝了芙蓉扁舟過  
處空剩一湖煙水唱徹菱歌正落日餘霞凝紫淺醉歸  
來憑闌望久亂蛩盈耳不似荆溪溪畔路尙贏得舊  
遊聯袂遠雁蘆邊疏螢竹外動是人千里隔紅牆銀漢  
杳相思句難憑錦字玉笛誰家譜涼州高樓莫倚

虞美人影

一燈秋夜疏星共照破銀屏幽夢又是隙風微動簾押  
文犀重紅薦小譜琵琶弄碎玉丁當遙送顛落鈿釵  
金鳳酒醒脂痕凍

應天長慢

疏風卷幔殘月入帷依稀酒醒時節繞砌亂蛩似把離  
存審軒詞

卷一

八

情訴寒石苔紋縵芳事歇念春去更無鞦韆跡但消受草  
露盈盈淚眼同溼應有不眠人挑盡蘭缸坐數漏聲  
滴社燕辭巢泥墮空梁點瑤席琴心冷彈未徹倩絡緯  
暗催刀尺柰征雁只管南飛衣到何日

念奴嬌

別止齋中丞

當歌對酒問人生何苦年年離別一領征衫塵未澣又  
早驅駒催發落葉粘衣輕風卷幔去住憑誰說那堪歸  
雁數聲驚起長笛空記小語丁甯金尊同醉明夜中  
秋月月縱多情能照我還怕浮雲重疊便得清光團圓  
如鏡坐我瑤華闕也難忘卻酒闌人散時節

一萼紅

漏聲沈想寒蟾一點依約度疏林隱臂妝殘扶頭酒淺  
離思空復盈襟記初見柔荑未握試絃索嬌語囀春禽  
錦幄藏花繡鞍衝雪都是情深才得畫羅親解甚輕  
分翠帶剪卻同心舞絮樓臺吹香院宇羞向夢裏重尋  
念惟有窗前玉蝶塚紅萼芳意不勝簪那更歸遲任伊  
閒伴瑤琴

拜星月慢

寄申者

艷委雅鬢渦生梨頰淺笑輕嚔欲絕愁裏逢伊又霜寒  
如織問眉臙可是章臺初見楊柳青青時節半晌俚人  
背銀缸低說絮因風歷盡前塵劫萍隨水悞卻浮生  
跡那更繞樹啼鵑向晨星明滅恨羅裙芳草同顏色琵琶  
存審軒詞

卷一

九

琵琶語怎展丁香結但祝取夜夜姮娥照天空海碧

憶舊遊

夾竹桃花早開晚落歷城小寓此樹嫣然歸途追憶舊轍不禁淒斷聊成此闋以寄遠衷

相逢真草草甚秋風吹散行雲記蟬輕雙髻蛾纖廣額  
臉斷微醺惜花太解憔悴寬盡綠羅裙況鳳竹蕭疏細  
桃綽約同倚斜曛而今追憶處待芙蓉江上重見文  
君猶帶當時怨是遙山莫靄寒翠繽紛不知恨取何事  
孤雁入高雲縱寄得愁來揚州明月才二分

木蘭花慢

贈柳漪

駐馬還貰酒問卓女可當壚正朔雪凝空塞鴻失侶弔  
影相呼驚看十分瘦損怕重來恨跡斂春蕪爭似鴟夷  
同載故山剛倚平湖從他喚我作狂夫蟹舍老菰蒲

有蔗仗深交蟻封巧散莫笑投珠紅旗一江練卷上危  
檣玉手試提枹彈入筵篋新譜歸舟天際雲孤

六醜 楊花

向濃陰翠幄漾嫋嫋春魂如雪畫闌獨憑飛英鴛鴦溼  
正恁愁絕又對斜陽院晴絲空裊任飄零離別南園悞  
了雙蝴蝶草際輕粘簾前漫瞥纖纖映蛾眉月卻難尋  
瘦影幽恨重疊 東風搖曳算塵根小劫灞岸鳴嘶騎  
情暗切柔條幾度攀折縱天涯曾徧買春榆莢秖惆悵  
眾芳都歇爭得似委艷香泥長倚杏梁春帖還消受半  
枕寒怯更唾絨點綴茸窗底嬌紅一捻

雨零鈴 刺薜

存審軒詞

卷一

十

斜陽闌曲照深深院宇翦濃綠瓊苞未展芳蕊憑誰說  
與金鈴休觸幾許風裏但寄向遙夜樺燭算只有化蝶  
雙棲依約香痕夢堪續 佳人最惜瑤釵玉笑拈來剛  
趁紅巾蹙晶簾欲語明鏡雲半委回眸低矚無奈華年  
和水東流幽恨相屬那更聽細雨樓頭一夜吹橫竹

卜算子

花房曉露涼似有廉纖雨新夢覺來輕欹枕翻無語  
嬌娃十四五臨鏡貪眉脰不憶畫眉人自把遙山譜

齊天樂

四春錢

臨春閣上宜春佩網絲乍縈驚蜨鏡殿前因仙盤舊恨  
化作銖衣輕疊雙棲意愜笑繡出兜央未諳風月慊慊

春梁數來堪否歎工絕 燕支魂斷露井買韶光又趁  
綠暗紅隙障錦斜遮蹄瑩戲賭拌與填將塵埒驕嘶汗  
血怕碎卻連環更難重負漫向人閒問金甌圓缺

祝英臺近

瓶中蠟梅

篆煙微沈水歇孤館夢初醒似有香來脈脈逗春影額  
黃消得宮梅檀心深注問可許翠禽相並 畫簾迥况  
是別久書遲何人寄芳冷繡戶黏雞後約怕重省凍瓶  
還抱雙枝憑伊憔悴恁隔離未傳幽信

綺羅香

甲戌花朝山左同人小集分賦

月拂星弧霜融畫角淺醉易銷春夜卻憶山中此日野  
梅剛謝趁小橋澌水微波攜俊侶殘英同把待看伊爛  
存審軒詞

卷一

十一

漫韶光最憐鶯燕妬嬌姸 閒雲辭岫未返還被東風  
作弄翠輦紅亞紫鞵青鞵次第垂楊嘶馬問芊絲芳草  
初生怎掩映斜陽西下倩重簾好護幽香漫將濃恨惹  
點絳唇

上元

吳中閨人有膽小看月小膽大看月大之語故後闕及之

隱隱巖城金蟾乍上繁星杏花枝春裏纖影橫檢巧  
一樣冰輪膽小看來小王孫草空房閉蚤夢向清暉繞

浣溪沙

初歸見綠萼梅正盛

風約歌珠顆顆圓雪香春蕊泛湖煙客裏蕭散是今年  
三日輕舸浮醉醒三枝疎影立婢娟這番真到玉人

邊

春風入松

將移家雅揚留別小院海棠

西風料峭過牆東，寒勒海棠紅。人如社燕，歸來乍花，應是憐我飄蓬。留取瓊苞未坼，待他暖日徐烘。芳尊浮蟻幾巡空。醉臉倚嬌慵。憑闌攜手深深訴，年年別花裏，恩恩從此雙雙飛宿。故園寂寞春濃。

八歸

送彥聞赴都

江流煙鎖平疇岸，接蘆荻斜隱客棹。恩恩春過飛紅斷，贏得鄉園消息。青梅酸老綠遍天涯，迷去馬、剗不盡易生芳草。但祝取桃李陰成，三徑黛痕繞。無計買他雲岫，腰鎌刈棘，暗遣十年衰袞，彈鋏呼魚，捐金市骨幾度長安。西笑素琴碎後，燕筑休傳，別時調儘魂繫翠旌邊。柳著甚相逢賦，心應更好。

存審軒詞

卷一

十一

洞仙哥

和彥聞新月

瑤華斂盡奈寒芒，難約依舊織。織畫樓角散餘霞，漸暝返照無痕。蛾黛染眉樣，遠山如削。繁星爭耀彩絲樹，陰陰幾許南枝。誤飛鵲小拜，露階涼金闕，深局訴密意。桂娥應覺待三五，清光正團圓。怕吹裂瓊簫霧屏煙幙。

少年遊

桃溪遊湖上，喟然曰：此間堪老。惜少美人與明月耳。詞以調之。

風荷轉午，良蜩散韻。竹院試翦茶舊雨，停雲故人今日。千里共浮查。雙陰陰樹色連隋苑，何處認宮斜。明月陰多，美人夢短，可惜好年華。鬢手將鶯，道平平風落裏。

蝶戀花

數畱頭更甚未妝春，粉如日，念與

萬柄風荷搖不定，照灼紅妝。面面淩波靚，催送殘陽煙

又喚驪珠欲喚眠難醒  
歸櫂恩恩愁路永怨笛哀箏  
都約秋心冷一夜水仙收綠淨  
亭亭獨鷺窺晨鏡

玉樓春

鶯花斷送春歸去  
櫻筍堆盤難下箸  
年年此日慣傷離  
何意翻成懽會處  
新繡舊素都無據  
蟬鬢翠眉誰付  
與按歌剛罷月剛圓  
自欲矜持天不許

小重山

落日倚孤篷  
歸櫂恩恩歌齊女  
綠楊中訴盡飄零  
何限恨萍水無蹤  
酒醒一盞紅愁聚  
眉峯別時情比見  
時濃留取衫襟痕  
數點好與重逢

浣溪沙

存審軒詞

卷一

三

絡緯蕭蕭夾岸啼  
流螢如雨各東西  
新秋行客試單衣  
轉憶花前惆悵事  
賦歸人卻贈將離  
那能重見不依依

憶舊遊

東風吹別舸  
恨遙山處處顰  
眉乍盈盈脈脈臨  
皋解珮擬託良媒映  
鐙試翦秋淥  
呼得夜珠來  
感密意深緘微波  
暗潮都在停盃  
離魂驚倩女  
墮梨雲纖影香  
燠春回奈被霜鐘  
妬壓鴛衾夢短  
紅淚先垂釀愁最  
苦江水流不到長淮  
待親見崔孃鏡中  
蛾綠重細揩

念奴嬌

疏簾

畫檐深窅隔分明  
心性悵他煙縷  
似恐春痕山易學  
掩

卻盈盈眉廬燕啄泥融絮粘香墜一桁前宵雨綠波平  
漲織愁人在何許贏得把卷慵來拋書隱几現耽聽  
絲羽火活松釵縈碧篆細憶酒邊情緒月樣鉤斜鵝兒  
旌短密意渾輸與甚時輕捲倚闌晴對瓊宇

存審軒詞

卷一

族會孫保章保銘校字

古

蘇會孫保章保銘校字

蘇密意漸銷與甚時輕捲倚闌晴對瓊宇

蘇密意漸銷與甚時輕捲倚闌晴對瓊宇

蘇密意漸銷與甚時輕捲倚闌晴對瓊宇

蘇密意漸銷與甚時輕捲倚闌晴對瓊宇

存審軒詞卷之二

荆溪周濟止庵著

木蘭花慢

看歸帆向盡漸風力接荒煙賸落日紅低斷山翠冷作  
弄遙天梅邊數聲怨遂喚湘靈萬疊和哀絃遮莫蘆寒  
散雪還疑柳嫩搓絲裁牋待與訴嬋娟初月未成圓  
沉雁塞雲高雞精星朗并入么篇陶然便拚醉也奈中  
山醉日止盈千多謝江頭伴侶尋他海上神仙

水調歌頭

浮海欲何向無乃向咸池博桑葉大于屋其上有天雞  
忽發一聲唎喔喚起千門萬戶藹藹散春暉拍手御風  
去舟楫快相隨君不見列禦寇骨成灰童男卯女頭

存審軒詞

卷二

一

白徐福竟安歸縹緲黃金宮外搖蕩青銅鏡裏慧想總  
緣癡一點漢槎石天女要支機

入聲甘州

歎天衣無縫要天成人閒織來難漫顛箴倒綫翻花鬪

葉舞鳳翔鸞多少金閨妙手淺笑倚闌干誰遣蓬窗女

苦耐更殘剛道鴛鴦繡出又東風窺幕舞蝶成團待

添將半臂珍重護春寒盼玉勒驕嘶甚處但垂楊綠比  
海天寬和淚親檝畫篋留與童看

摸魚兒

待拌將一聲離別離情還更重墨蘭香不合人閒降轉

眼鬢雲凝雪芳草歇忍怨向春殘花老頻嗁鴉恁般哽

咽是暗裏流光雨催風送含淚共君說 朱絃迥雁柱  
斜行又折家山黯澹風月石城舊擬垂綸處頓遣莫愁  
愁絕愁未徹況著箇琵琶老大曾相識唾壺漫缺要合  
玦成環鏤冰作燧萬古意難決

賀新郎

夢斷江聲裏攤重衾一盞寒欲欲眠還起搔首推篷看  
落月衰柳荒蘆如薺漸四野雞鳴不已釀雪雲生星沈  
彩料明朝風力還相擬應凍合玉樓矣 歸涂不是論  
千里奈年來酒懷詩興消磨餘幾剛問南朝棲隱處又  
恐鷓鴣難比渾不辨枝頭葉底如此江山誰拌得臘蕩  
絲長共鱸魚美只少箇季鷹耳

存審軒詞

卷二

二

長亭怨慢

乍拋卻枝頭春信悶倚危檣看翻鴉陳風急雲寒鸛鷺  
無主倩誰認一冬祈雪空作了江天恨待說與東皇又  
只恐年華愁問 瘦盡念亭亭此樹可是舊時風韻禁  
他幾度怕緞裂霜皮盈寸便祝取蚤蚤春回一例把紅  
羅香搵向甚處唵看東閣當年何遜

水調歌頭

江上浪如雪幾箇白鷗閑稻梁不及蒲稗天地本來寬  
其奈郎家北渚使妾飄零南浦古月向人圓弱挈攤雙  
楫制淚赴驚湍 舟萬斛帆百尺勢移山一生祇辨風  
信安穩作長年那管星移物換何況潮來汐去都只等

閒看含笑問桃葉汝渡若爲難

揚州慢

雪澤虛占雲陰漸散江干依舊斜陽向淡煙籠處待曳  
逗春光怕紅萼禁寒乍勒碧城仙侶倦繞迴廊隔深深  
簾幙從教密意難將似曾相識便判年還倚新裝儘  
玉照空明紅羅旖旎翠羽低昂一種橫斜疏影深宵月  
不似銀黃算誰家籬落堪尋前度幽香

望海潮

悄悄高柳娟娟新月平池靜夜涵空榆莢亂翻荷錢暗  
疊春歸誤認殘紅人在畫樓中料玉鈎挂起簾幕重重  
擬倩瓊簫寄將離思訴東風東風奈又怱怱被嗔鶯  
存審軒詞

卷二

三

妬燕惱盡嬌慵屏掩斷山琴留遊水尋來處處無鞦韆  
到甚時濃看唾花石上冰翠都融可惜香衾但催殘夢  
向疏鐘

菩薩蠻

偶種芍藥數本招同人爲婪尾之讌眾賓既去慨然賦之

飄香遠在清波外當年只共芳蘭采別貯漢宮嬌醉魂  
飛燕銷翻階教作婢誰解東皇意珍重記春殘豔深

開更難

酴醾雪落青條瘦荷錢亂帖波心縉寂寞向園林夢春

無處尋瓊臺僊侶集香霧漫空溼笙冷月明中暗催

花氣濃

燕王墓冷豐臺窄霓裳擗碎宮牆笛十載臥青樓杜郎

愁未愁 年年湖上路廿四橋邊去若遣鬪芳菲願輸金帶圍

誰憐園客栽香草飛瓊遣下蓬萊島歸去海霞紅看人斜照中 綠蕪山萬折胡蝶飛成雪夜久燭光沈露涼知慣禁

大酺

向綠陰沈華鐙謝蒼莽飛來圓鏡荷錢青尙小任垂楊空際弄他纖影宿鳥驚翻游魚暗上贏得欺花剛定殘英知何處但苔痕掩翠露光流瑩算留篆香銷倚闌人倦乍尋幽境 清歌珠又迸爲瓊闕僊桂成孤映問甚日紅牙同按紫玉雙調起懨懨慢扶重聽試共冰輪約存審軒詞

卷二

四

渾不辨素娥心性怕容易秋風勁青女相對蕭瑟西窗吹病故園就荒三徑

蝶戀花

道光十有一年歲在辛卯五月三日燕子磯阻風讀史感賦

落日燕脂紅漸褪新月如鉤挂起天涯恨一箇閑鷗眠不穩投林只見鴉成陳 祝向餘霞休散盡月似銀黃卻比黃銀嫩剛被遙山銜一寸浮雲片片誇輕俊

宛轉黃龍星彩異斗柄西斜露氣連江墮嘯夜魚長人卻避煙波勢欲無天地 萬古消沈當此際石燕嗟哉空有凌霄意獨上危亭還獨倚北風吹冷承睚淚

老淚無端東北灑誰遣銀河直向西南寫萬斛愁珠相激射此生漫共漁樵話 買得青山休說價疊嶂重巒

一幅屏中畫添箇山翁騎瞎馬柴門歸去昏燈炮

燕子來時逢戊己泥墀空梁幕卷生生翠軟語輕捎魂  
欲碎沈沈畫閣人酣醉 林木營巢成底事曲突焦頭  
說向憑誰記夢裏春風還暗起吹殘幾樹瓊花蕊

卸玉泥椒芳靄集論斛微螢光散雷塘碧萬柄風荷搖  
欲折白花雪豔紅花血 蟬鬢迴舟羅被溼花自雙頭  
佩自瑠瓊玦香徑當年真誤識蘇臺鹿去無遺蹟

獨枕黃門排闥語底事王孫羞共將軍伍奉璽功高  
渭路漢陵一片瀟瀟雨 伯玉佯酣情更苦烈烈南風  
吹夢迷陳舞掩卷推蓬天欲曙勞人聽盡津頭鼓

六么令 笛夏灣荷花

存審軒詞

卷二

五

露濃煙重玳瓌愁珠碎一枝兩枝紅豔點出凌波翠應  
是吳宮人去萬古留憔悴鷺葦相對晚蟬咽處賸有漁  
歌伴殘醉 我是江湖倦客浪蹟沙鷗外著箇魚婢樵  
青小艇剛同載驀地看花心苦暗墮鴟夷淚佳人難再  
問他玉骨可向西風卸環佩

相思兒令

憶荷華

一葉一華教見零落儘西風可惜綠波明月相映小池  
中 銷夏記泛孤蓬徧青山難昏吳宮歸來夢繞煙蘿  
漫愁響屨廊空

浪淘沙慢

聽嶽嶺瑤笙乍杳喚起長笛斜日餘霞漸隱西風過鴈

又急望十二瓊樓無信息  
倩青鳥飛度蒼茫但弱水浮  
山最深處文鸞見孤立  
還憶當年誤注僊籍待散髮  
扁舟隨流去星帶羊裘客  
奈舊盟都寄漚波鷺雪易抽  
獨爾怕釣絲暗惹珊瑚枝格  
歸路遙秋林雲掩歸心  
尙倚紅盼碧試吹向柯亭應  
更惜甚春草萬里芊絲只  
一夜輕霜作盡蕭條色

西地錦

足遣秋陰如醉替海棠  
冰淚空階夜滴寒蟲細語便無  
愁爭睡  
何況鐙昏簾內又月明  
簾外疏枝瘦影橫斜  
偏地寫秋風無賴

壽樓春

登翠微亭同叔安作

存審軒詞

卷二

六

風蕭條吹衣又危亭共陟寅  
餞斜暉橫黛低環江表秀  
餐蛾眉紅蓼綻鱸魚肥喚綠  
蓑歸來歸來恨暗浦沈潮  
疏黃委竹荒過釣人磯  
西南月空依依算何時爲我  
光滿瑤臺可奈朝雲輕散  
莫煙橫飛孤眠醒寒羅幃望  
露盤高寒先知歎病渴文園  
東封著書留待誰

浣溪紗慢

別鶴寥天忽馬經歲團樂共集弔影獨悲  
情不自勝遂成臨樂之歎

玉骨瘦一把明月圓三五杜郎夢醒早見秋如許  
叢桂試華禁盡連宵雨天上人閒苦星影隔銀河  
海山遙青鸞倦羽移家去誰挽鮑宣車便香橙送酒脩竹倚雲  
遠黛橫眉臙總替斷腸人畫傷心譜莫聽傷心語  
剗地起西風共秋光都無問處

水調歌頭 題趙野航懷人圖

千載數人耳況復要同時天涯何幸相識相識又天涯  
時節非秋非夜光景無風無雨那便不相思可奈翠梧  
葉飛墮最高枝 山陽路倚樓笛怨長離幾番斷續嗚  
咽孤響喚雲低贏得江湖逋客獨對香銷燈燼舊夢是  
邪非絳闕在何許明月向樓西

好事近 有贈

桐露欲霑衣香綻滿園金粟病起要肢無力看新來裝  
束 中秋過也月仍圓天然孕珠綠更向桂娥深拜有  
誰聞私祝

又 代俞

存審軒詞

卷二

七

寶鏡隔宵圓剛被遠山愁綠敢道不勝羅綺奈夜來新  
浴 紅窗女伴見還憐相攜畫闌曲共報宜秋兩字是  
東君親祝

引駕行 中秋無月

絲絲恨雨垂垂困柳吹不斷少男風皺池面魚跳落灩  
香中冥濛姮娥耐寡青天自遠招不向畫樓東繡簾底  
佳人冰望都空無輓 曾萬家簫鼓亂催鐙火互霄紅  
奈事往難尋卅載遣青鬢成翁 如虹珠光劍彩賸付  
粉本郵筒問甚時瓊宇淨洗碧海一鏡孤融秋濃聽井  
梧枝上涼颺成陣送歸鴻算近來花漏漸永怎禁到晨

鐘

聲聲慢 十六夜有月

鍾坡散紫幕府縈青今番漸成秋霽玉鏡仍圓偏帶桂  
娥愁思紅窗暗驚衰冷是淒風連宵留在九萬里要人  
人都向畫屏無睡 香篆替尋幽素任湘簾八幅深掩  
濃翠脈脈盈盈爭遣露闌長倚金徒漫投箭響正蓬瀛  
胡天胡帝怕怨遂喚驪龍還又夜起

木蘭花慢

十七夜素庵叔安過飲待月不見別後月  
出已復雲陰慨然有作

燦閒庭桂粟眞盼得故人來任雨雨風風朝朝莫莫總  
付深盃空階坐看暗竹送疏螢數點傍人飛定是涼蟾  
未透不成霧幃難開 樓臺倒影落君懷依舊鏤清輝  
又歸去怱怱孤吟賸我踏徧蒼苔剛才倚闌望極甚冰  
輪便碾玉塵回單照人閒恨別只應長似蛾眉  
向殘更冷露雲乍起素蛾愁便地角天涯故情閒恨總  
上心頭悲秋怪他宋玉甚高唐尙解賦溫柔碧海青天  
易老玉尊檀板應休 重樓換燭下銀鈎不夜是瀛州  
怕弱水迴瀾神鼈戲舞仙袂難留蓮舟醉眠太乙泛銀  
潢慣與斷槎浮誰道成都賣卜還知飲渚牽牛

風入松

西風不管鴈行斜吹送極天涯丁甯莫向南樓畔有無  
眠人掩窗紗剛被一庭疏雨喚回愁夢些些 沈思淚  
臉溼梨花征戍未還家分明鴈過無消息定龍堆不慣  
風沙有幾封侯夫婿可應輕問仙槎

金縷曲

跳跋黃塵下記當年輕衫窄衷居然游冶笑向麝餅飛  
觥玉紅燭冰鹽相射任一斛驪珠傾瀉忽聽雞鳴投盃  
起正霜稜蝟磔鴛鴦瓦還縛綉再加帕急裝拌得真  
長訝問何如車中閒置綠鬢紅姸射虎封侯尋常事醉  
尉逢時遭罵漸英氣都消磨也一劍猶存堅難拔料龜  
文繡損千金價且傍我素琴掛

長亭怨漫

見千文游絲飛裏拂柳黏花繫春多少替得春愁又扶  
春困惜春老一聲啼鳩都換卻池塘草只管背人歸定  
不管拋人爭好還道是而今去也畢竟爲伊重到青  
存審軒詞

卷二

九

梅煮酒容易盼綠蕞收釣作弄出萬種秋聲漸催向寒  
天霜曉但化石枯松斜倚蒼崖一笑

風流子 金鳳

妖婢太呈嬌黃花晚又值楚蘭彫向瑤砌路邊裁霞翦  
雪玉容釵畔帖鬢黏黏翹可憐許穠歡彈指盡薄媚轉頭  
消驚蜨亂飛那尋春夢夜蛩無語還溼冰綃佳人冰  
眸處蒼苔冷可奈恨種愁苗誰在九成臺上相並吹簫  
況新乾竹粉難拈碎粒漸稀梧葉祗剩空條回首仙霞  
關外雲雨迢迢

破陣子

昨夜綠窗幽夢分明春在枝頭仙翠動香雙弄羽橫吹

捎雲其倚樓不知庭院秋 好月看成破鏡空江咽作  
寒流池上衰痕風自展砌下蟲聲雨未休幾家砧杵愁  
鳳銜盃  
瀟瀟料在五更前乍醒人聽向愁邊不是暗風斜雨一  
年年人不老月長圓 霜侵鬢夜如煙望潮來潮信頻  
遷只恐綠楊城郭更纏絲怎不放歸船

### 定風波

爲有書來說見期便愁桂粟下高枝昨夜雨聲寒透枕  
愁甚是秋風要落花時 侵曉素香來石畔初見星星  
水面任魚吹再有三朝并五夜都謝這番須遣畧開遲  
壽樓春 呼鷹叔安以驅鷹詞見示譜此禽之

### 存審軒詞

#### 卷二

十

高臺敬何年帶長林蔓草都化秋煙巖隋初開晴宇斷  
雲還連盤馬向渾河邊叫餓鴟蜚鴻驚弦甚點鬢吳霜  
圍要漢柳鱗頓近尊前 英雄記空陳編任澆伊萬棧  
難醉重泉一翅青冥去也望中淒然于闐鵲江淮焉到  
恁時支公猶憐怕喚得青骸梁園但爭狐兔妍

### 滿路花

缺月臨清曉便向花叢繞一夜和衣睡醒來早細看池  
面減卻香多少剛待春來到待得伊來爲伊添恨添惱  
尋常百種蕊去盡處句兒是香勝色來雲表乍開時  
節玉露金風了却春光不辭入共花老

### 門百花

欲住西風還急欲去東君還惜池上石邊情味月下星  
前蹤蹟蓼溼蘋洲都來換卻秋容一例碎紅零碧 七  
寶圍冰雪清影只共十二闌干露滴聞道素娥霓裳早  
傳橫笛底事人閒年年待掩輕羅卻問散香消息

月上海棠

蟋蟀

商音不共檐鈴語壯懷驚昨夜夜深雨劍澀花寒一聲  
聲喚聞雞舞天生俊合上凌煙畫譜將軍鐵甲皆黃  
土漫尋他秋壑半閒處磬辨絲哀乍沈吟舜階干羽休  
空恁謫向天涯倦旅

碧牡丹

不恨殘香少不恨金風掃只恨閒窗獨自些兒懷哀鴈  
存審軒詞

卷二

十一

帛輕傳將箇人愁老而今書也無了望難到弱水蓬  
萊島人閒恁般遼渺步上危亭可惜江山重繞缺月如  
弓收露痕清曉蛾眉仍在天表

江城梅花引

芳塘報道有芙蓉淺深叢繡重重節近重陽疏雨最惺  
忪人要憐花天未許蘭棹去楚雲歸十二峯柳隄又  
聞嘶玉驄與乍逢清鏡中伯勞燕子無消息各自西東  
試問新來愁碧爲誰濃一寸眉心都繆了魂斷向晚霞  
邊夕照紅

醜奴兒慢

尋春倦也春恨都成秋瘦向濃靄遙期仙侶更與尋秋

一片楓林縱無黃葉也颼颼誰家籬落相邀細語淺碧  
香甌 繞盡亂峯恰當歧路斜照紅收怕依舊青驪歸  
去誤了重樓寂靜黃昏箇人燈下枉冰眸芙蓉空把瑤  
京自遠莫莫休休

三字令

催夜雨遣沈雷奈秋懷紅蠟燭繡羅幃正涼天剛永漏  
泣瓊瑰 簷溜急砌蟲哀爾何爲教白露點蒼落一般  
都霜下老畧遲迴

新荷葉

可惜梧桐不曾真作秋聲一夜飄殘疏黃到地還輕濃  
陰似幄記晚涼新月初生碧羅衫薄倚他玉立亭亭

存審軒詞

卷二

七

頓遣彫零重陽風雨江城耐久紅薇數枝偏繫離情湘  
簾漫押待深宵謫與秋聽只愁青女等閒不駐雲駟

掃花游

減秋一半是布地黃金亂霏香屑怕留恨蹟要連絲細  
雨灑伊空碧顧兔全銷萬里祇餘暗魄謾相惜試吹淨  
遠山還更愁絕 瀛海望未極歎絳羽翻輪素霓嬰節  
蜃樓易結便恩恩換了廣寒瑤席地久天長賸與姮娥  
舊識共嗚咽夜龍吟數聲驚裂

迷神引

落葉轉黃昏  
人盡不  
秋風便劣  
應念飄零

賴有清池當墜處減一半秋聲去西風便劣應念飄零  
苦已碎枝還吹送向何許背面總天涯休寄與只恁點

蒼浴亂砧杵 漆室宵來獨倚南榮柱 盼絳樓高銀河  
阻字痕深鬪歎空檢題紅譜待不關心爭禁得隕如雨  
曾向落花前驚見汝嬌絲上宮衣稱金縷

度江雲

聽雨

沈陰欺落日西南望極何處是蛾眉莫煙吹不散卻趁  
斜風化作雨絲絲雲窗倦掩柰瀟瀟直透重帷秋夜長  
黃昏拌便聽到五更雞 披衣金蟲澀欲寶鴨銷溫怕  
中宵不起但暗惜湛盧繡滿晉鄭難揮玉闕未出傭書  
老便封侯骨相都非青嶂好紅藤扶我歸來

霓裳中序弟一

芙蓉

魂銷昨夜雨岸柳池荷添恨譜山遠愁濃黛臉襯膩臉  
存審軒詞

卷二

三

斜紅枕痕如縷寶奩嬌自語盼不到魚沈鴈阻亭亭在  
畫闌左側獨立甚情緒 淒楚湘靈危柱調入霜天驚  
素女籬鞠難尋廢圃但淺倚晨暉漸成遲莫解裝臨漢  
浦怕未抵明珠翠羽情情向九華帳裏豔影醉僊侶

木蘭花

癡雲自向天邊住錯道遮將明月去倚闕無語立多時  
臉上淚痕衣上露 情深不怕秋宵曙要翦沈陰還太  
素倚天長劍縱荒唐風是并刀雲是絮

鶯囀序

饒秋

征鴻去程漸遠覺高樓夜永莫雲便都逐風消麗天惟  
見參井綺窗外輕聞墜葉枉教瘦了梧桐影問何時扶

起冰輪桂香重影 九十秋光桂染過卻半煙昏雨暝  
破愁寂黃菊丹楓近來都助淒哽淒痕浸亭亭豔骨戲  
魚不上芙蓉冷問何時揜與紅蘭佩纒重整 尋芳門  
草辟暑浮瓜把俊游漫省可柰被蹴花鶯燕斷送春歸  
翳葉蝟蟾頓催涼醒如今縱向疏林慘黛些些留待客  
光住怕嫦娥後夜妨孤迥清霜暗約萋迷換了天涯故  
國尙盼萍梗 懷人夢短蓄艾年徂鎮爲誰瘦瘠怎不  
念枕霞山閣靜對雲松濯髮溪橋臥浮煙艇猿嘯鶴怨  
多應知得瓊英不慣重簾護早春池釀出波千頃南枝  
先覺檀心密蒂幽窗共誰細領

臨江仙

家人有賦殘菊者臥榻口占

存審軒詞

卷二

十四

未擬傲霜先著雨 玲瓏斜倚籬東 老夫貪病看還慵 漫  
扶藤杖 酒止玉杯空 差喜兒曹相料檢 殘香吟和重  
重淒清聲斷 北來鴻明將瘦影 寫入素屏中

念峭遍

黃葉半林黃菊半籬 裝點秋如許 莽西風千里 卷平蕪  
乍登臨 江山吳楚 問西塞煙波 東山裙屐 幾曾留得南  
朝佳 回首廣陵濤 年年只背蕪城斜日 歸去帶那溝流  
恨滿江湖 共酌客愁 心亂檣烏爛錦韶華 海蜃樓臺畫  
屏歌舞 呼痛飲張翰生前 杯酒澆黃土 休落龍山帽  
金城楊柳誰賦 待飄泊蘭成 家山重到也 難寫出關河  
莫天際 鴈行斜 知他暝宿 荒蘆葦 荻 何處 漸鳴榔 聲斷

野煙鋪賸一點漁燈伴星孤月初弦輕雲低護柴門歸  
便深掩無賴是庭梧蕭蕭只管打窗縈砌不管離人離  
緒閒牀倦枕漫支吾怕重陽滿城風雨

存審軒詞

卷二

五

孫士英士俊校書

天懌尚  
及民圖  
書翰藏



存審軒詞卷二  
五  
孫士英士俊校書  
天懌尚  
及民圖  
書翰藏

